



ル 5  
2537  
18





門外 205  
號 2537  
卷 20-18

日下舊聞卷三十六

邊障上 薊鎮

京東之外鎮營薊遼陽也京西之外鎮宣大偏頭也京東之內險山海也京西之內險居庸白干紫荆倒馬鴈門寧武平刑龍泉也 長安客語

關隘之要有四曰古北口曰居庸關曰喜峰口曰松亭

關烽燧相望者一百九十六處 實錄

京輔扼要當以古北口石塘為急其次守馬蘭其次守

黃花居庸橫嶺鎮邊其次守喜峰冷口其次守金水馬

水紫荆倒馬 經世挈要

自山海關而北而西極衝去處如一片石石門路大毛山城子峪平頂谷義院口關臺頭營中桑堡羅漢洞東





勝寨徐流口喜峰口河流口關冷水口關石門子關古  
北口潮河川等處皆當嚴備然計其要害之處大畧有  
四以冷口為一路自山海關抵太平寨而以建昌營為  
適中之地以古北口為一路自馬蘭峪抵石嶺塘而以  
密雲為適中之地以昌平為一路自渤海頭抵鎮邊城  
即以昌平為適中之地以紫荆倒馬二關為一路自沿  
河口抵故關而以易州為適中之地顧此關隘均為要  
害而古北口尤為緊要蓋冷水馬蘭有重岡疊嶂以為  
天險紫荆倒馬有雲中上谷以為外藩惟古北口一帶  
沙淤水漫萬馬馳驟甚難防禦也 同上  
薊鎮邊分東中西三路東路帥駐臺頭營 昌平縣 所急  
者四曰山海關 撫寧縣 曰石門砦 撫寧縣東 曰燕河營

承平府北 曰建昌營 遷安縣北 中路帥駐三屯營 遵化

縣東 所急者四曰太平砦 遷安縣西北 曰喜峰口 遵化

縣東北 曰松棚谷 遵化縣北 曰馬蘭谷 薊州東北 西路

帥駐石匣營 密雲縣東北 所急者四曰墻子嶺 密雲縣

東北 曰曹家砦 密雲縣東北 曰古北口 密雲縣北 曰石

塘嶺 密雲縣西北 其邊墻皆依山築大道為關小道

為口屯軍曰營列守曰砦 方輿紀要

東協石門路之一片石義院口燕河路之界嶺口建昌  
路之桃林口劉家口徐流口河流口冷口觀音溝白羊  
峪中協之喜峰路潘家口李家口董家口鐵門關鮎魚  
口松棚路之羅文峪洪山口俱極衝中協之馬蘭太平  
二路則次衝西協之墻子路鎮南關發兒嶺磨刀峪南



北櫻桃園古北路之潮河川石塘路之大水峪白馬關  
東西駝谷等處俱極衝曹家路惟有汗兒嶺正關其餘  
之河西七寨乍兒峪弔馬谷皆次衝也

經世挈要

洪武初卽古會州大寧地設北平行都司興營諸屯衛  
封建寧藩與遼東宣府東西聯絡爲外邊已而魏國公  
經畧自古北口至山海關增修關隘爲內邊以故薊州  
西接居庸北折而東南抵海上盡漁陽盧龍皆其管內  
船泛登萊陸走趙魏襟帶原澤馮翊京師號稱雄鎮迨  
文皇靖難兀良哈內附乃徙北平行都司于保定爲大  
寧都司而散布興營諸衛于京府大寧之地盡畀兀良  
哈通貢互市朶顏大寧幅餘三衛是也自是紅螺白雲  
之北遼東宣府聲援隔絕而喜峰三屯密雲白羊以漸

收縮失計甚矣

國朝典彙

金立中京大定府至貞元元年更爲北京元世祖至元  
七年改爲大寧路洪武初元將納哈出尙據金山二十  
年三月命大將軍宋國公馮勝等率師出松亭關築大  
寧寬河會州富峪四城遂率兵趨金山六月納哈出  
降九月置大寧都指揮司大寧中左右三衛及會州水  
榆新城等衛悉隸之二十一年改大寧都指揮司爲北  
平行都指揮使司距北平布政司八百里二十四年封  
皇子權爲寧王建文元年九月燕王兵出劉家口襲破  
大寧下富峪寬河會州等城以寧王及將士歸北平大  
寧初設未有民人但立一十六衛自燕王拔之而南遂  
爲空城及轉戰三年始下南京而大寧已棄之後不能



復置因徙衛于山南而以其地界兀良哈然永樂元年仍命武安侯鄭亨於千戶寨灰嶺廢州神樹西馬山七渡河皆設墩墩新昌伯唐雲領軍自小興州大興州東接牛嶺會州塔山龍山諸處屯種迨十九年命邊將置邏騎營于古北口之北神樹之地則當時此地尚為甌脫也 昌平山水記

薊鎮東自山海關西抵石塘路并連口接昌鎮募田峪界延袤一千七百六十五里 四鎮三關志

薊鎮一帶邊牆乃國初徐達創修以為內邊者也邊長二百餘里 經世要

喜峰口乃兀良哈進貢之路本名喜逢口古松亭關也 長安客話

灤陽驛東北四十里有雙冢世傳昔有久戍不歸者其

父求之適相遇此山下相抱大笑喜極而死遂葬于是因謂之喜逢口 主塘小

喜峰口路關砦一十二 自鐵門關西至團亭砦延袤

九十四里董家口下關砦 五青山口關橫山砦游鄉口

關董家口關勝嶺砦 武年建 邊城二十八里空心

敵臺二十五座大喜峰口下關砦七鐵門關李家谷關

砦 俱洪武年建 邊城三十四里空心敵臺一十五座 四

鐵門關外有大潭即喜峰水之源也關南十五里為穹窿山山多洞穴高與鐵門關齊自洞口而西十里為西



山嶺即喜峰古松亭山也南行二十里曰小喜峯又西南三里曰老子谷下爲團亭砦灤水由此流入撫寧縣境隔灤水而西爲樓子山又南十里爲平山撫寧與遵化相出入處也

方輿紀要

喜峰口關在遵化縣東北七十里關城周三里關口有來遠樓可容萬人宣德三年車駕由喜峰口大敗兀良哈衆于寬河嘉靖十年三衛入犯自此益增兵戍守爲薊邊重地

同上

嘉靖中胡守中以都御史奉璽出行邊乃出塞盡斬遼金以來松木百萬於喜峯口創建來遠樓守中恃寵驕恣尋以賄敗樓後爲水衝沒今臺址尙存

長安客話

許有壬喜逢口歌兒寒解衣重撫摩兒饑推食孰忍

訶長成與國遠負戈一去不返當如何去時云戍東北鄙直出榆關度遼水白頭老翁形影俱豈憚山川千萬里天教此地適相逢父曰從天墮吾子笑疲樂極俱殞身誰謂情鍾遽如此官家開邊方未已同生又別寧同死山雲漠漠風颼颼山頭雙冢知幾秋當時不忍一朝喜今日翻成千載愁猶勝貞女化爲石終古孤身雙不得清江寒影日悠悠行人一去無消息

圭塘小藁

壬寅宿喜峰口詩萬里秋風暮連山到此分幾年尋紫塞今日宿黃雲片月臨關見孤軍擊柝聞燕歌爭勸酒強飲不成醺

十岳山房集

蕭鑑大喜峯口關城興造記今上卽位之明年勅都



察院右僉都御史鄒來學自山海以西至天壽山以東千餘里之地關城屯堡其悉疆里之軍務處置聽以便宜公拜手稽首畢因仰而言曰於乎皇上所以委任者至矣我何敢不力以欽承休命先是寇自白羊紫荆諸關皆失利公守喜峯口親歷邊境相地之險易曰多寡在人而捍禦之廣斥堠謹烽燧寇不敢犯民用以寧及有是命時鎮守則有尙膳監郁公永總兵則有都督僉事宗公勝左右叅將則有都指揮僉事胡鏞馬榮公與之謀曰鄉者緩急預備一時權宜耳經久之計當如聖諭衆咸是之議既克協乃經營繕治之不獨喜峯口而已其他董家羅文諸峪劉家界嶺一片石諸口廣者百餘丈狹者數百尺皆築

城以障其缺舊所有者乃增高之爲門以便我軍之出入通水道者則制爲水關城之外爲濠濠之外爲墻山之峻者削之爲壁谿峪蹊徑凡人跡可通者盡築焉蓋東西千餘里間營壘相望高深堅壯足以經久誠所謂金城湯池固也公又以謂諸關獨喜峯口鉅鎮外戶朝貢道所由出乃爲城樓以示壯觀樓高四丈深廣稱之名曰鎮遠樓經始于景泰壬申之七月落成於癸酉之四月力取於守禦之卒而兵不知勞材取於山峪之產而民不知費人見其功之成而不知其何以爲之也於是其將吏相與告於宗公曰都憲公受上命疆里而公式克協心同力以底於成不有紀述其何以示後宗公曰然乃以書屬翰林編



修劉宣請於予古之爲天下者不病乎其有患恒病乎其無備不病乎其無備恒病乎難其人夫事機之來無常惟禦有其備則雖有一朝之患不足爲吾害備不先具使經理有其人則雖弊敗之餘猶足成吾功故曰惟在得人而已北邊當永樂宣德中承平日久無事修治正統以來蓋頽隳極矣聖天子臨御赫然述中興之業乃始汲汲於斯當此時受命而往者肩背相望雖極一時之選然其間苟簡就功者猶或有之獨公毅然以爲己任而凡將佐與同事者皆効力相成故其所建立堅久不隳使國家恃之晏然無復後顧之憂此蓋千萬世永遠之績豈一時之功也哉爲考其始末之槩論著之俾爲天下國家者知治

之責在於得人而後之任此者當思所以善繼之也  
尚約集

徐太傅城在喜峯口關東北有小城相傳中山王所築  
久彌堅遠望如碧玉懸崖斗聳人跡希邈 名勝志  
由喜峯口東北六十里曰椴木峪關又六十里曰松亭  
關自松亭關至大寧廢衛凡三百六十里爲控禦之要  
道里記

松亭關在喜峯口北百二十里遼人自燕之中京每自  
松亭趨柳河 方輿紀要

劉敞奉使契丹博聞疆記素知山川道里契丹自古北  
至柳河迴曲千餘里敞問曰自松亭趨柳河其徑不數  
日可至中京何不道彼而道此契丹不虞敞知相顧驚



魏曰誠知公言自通好以來置驛如此不致易也東都事畧

閻詢字議道鳳翔天興人嘗使契丹頗知北方疆理時契丹在韃統遼者王惠導詢由松亭往詢曰此松亭路也胡不徑葱嶺而迂枉若是豈非夸大國地廣以相欺耶惠慚不能對宋元史質

渝關居庸可通餉饋松亭金陂古北口止通人馬不可行車山之南五穀百果良材美木無所不有出關未數里則地皆瘠鹵矣金國行程

契丹撤八及宗叙出松亭關取牛迺于廣寧金史本傳太祖自將襲遼主于大魚濼留輜重于草濼以撻懶為奚六路軍帥鎮之習古迺婆盧火護送常勝軍及燕京

蒙族工匠自松亭關入內地上戒之曰若遇險阨則分兵以往習古迺婆盧火乃合于撻懶金史本傳

建文初大寧帥劉貞等引兵出松亭關駐沙河攻遵化燕王馳援貞等退保松亭既而燕王謀取大寧諸將曰大寧必首松亭關關門險塞守備方嚴恐難猝拔乃從別徑趣大寧還收松亭成祖實錄

由石梯若五里至大喜峯口邊外通大川貢路正關并南稍城及迤邐嶺通騎衝要其大小安口等墩空山險逼步又五里至小喜峯口關正關并東西稍城通單騎又十里至團亭若正關有灣河一道自外流入平時水淺可渡夏大水難行邊外通喜峯口大川三鎮邊務總要



松棚路東自潘家口西至山口砦延袤一百五十五

關砦二十四龍井兒下關砦八潘家口新關嘉靖四十

一年建東常峪關西常峪關三臺山關俱洪武年建蘇

郎谷關嘉靖十六年建龍井兒關張家安砦椽八谷砦

俱洪武年建邊城五十里附牆臺四座空心敵臺四十

四座洪山口下關砦五廖家谷關正德三年建洪山口

關西安谷砦白棗谷砦三道嶺砦俱洪武年建邊城二

十里附牆臺三座空心敵臺四十四座羅文峪下關砦

十一天勝砦舍身臺砦俱永樂年建馬蹄谷關洪武年

建蔡家谷石永樂年建秋科谷砦千家谷關羅文峪關

貓兒谷砦山寨谷關沙坡谷關山口砦俱洪武年建邊

城六十三里附牆臺一十一座空心敵臺六十四座四

由團亭砦三里至潘家口關外通喜峯口大川河口并

播鼓臺墩東西空通騎衝要蔡地谷次衝其十八盤通

步餘山俱險又二里至東常峪關外通大川正口并東

稍城通騎衝要其南山各墩空陡險稍緩又八里至西

常峪關外通長城口并東稍城及橫嶺墩東空通騎餘

山俱險又十里至三臺山關正關水口并東稍城通騎

衝要其餘山險通步又五里至蘇郎谷關通步不通騎

又五里至龍井兒關邊外通大川正關并河口東西稍

城及真武廟墩臺墩椽木臺東西空通騎衝要餘墩空

山險通步又五里至張家安砦隘口不寬惟正關并東

山梁通單騎不通大舉又五里至椽八谷外通洪山口



大川平漫正關并椽八谷墩柞子嶺白羊坡等墩座四處極衝通大舉餘險通步

三鎮邊務總要

潘家口在遵化縣東北四十里嘉靖三十八年朶顏入犯度灤河由潘家口而西大掠薊州其東曰團亭砦又東即喜峯口也

方輿紀要

三臺山關北五十二里曰寺兒峪又北十六里曰上松嶺又北六十七里曰謝兒嶺又北有惱奴河傍牌川等處皆寇徑也

同上

龍井兒關要衝也其內為三屯營

同上

三屯營去喜峯二舍營曰三屯忠義中衛百夫長凡三

景泰間勅行東大將軍駐劄

各勝志

營在景山之北城周四里西北至喜峯口六十里西至

遵化縣亦六

一里

方輿紀要

三屯城宣德初建于獅子谷天順間城于忠義中衛三百戶屯故曰三屯門三各建重樓戚繼光繕之自為之

記

遵化縣志

三屯營城天順四年建萬曆二年戚都督展淑焉

四鎮

萬曆元年侍郎汪道昆閱視薊鎮條奏善後事宜以三屯營總兵所治惟近設守備一員原無軍衛總兵標下各營支領文移率出境借用遵化各衛印信恐增減稽程且本營駐劄各兵並非土著兩防各發汛地新舊二城俱空不可無備查忠義中衛設在遵化該衛三百戶所屯地則在三屯營營由此得名遵化城附衛一所不



爲不足請以忠義中衛移置三屯營就於三屯營城內空地蓋造衙門廨舍居之

邊庭碩畫

戚繼光重建三屯營城記畧三屯營去喜峰二舍在遷安縣南百二十里遵化縣去之五十里左山海右居庸而綰轂其中舊城痺薄而隘繼光總理鎮務鳩衆訓練于此弗足以容乃謀闢城于制府會上卽位詔增飭邊垣適汪少司馬閱師條便宜制令移忠義中衛于三屯城內遂置衛增營及營建公署明年秋規外地而拓其址撤南垣而圍之凡五百五十七丈高二丈五尺加五尺爲堞址廣四丈有餘門三南曰景忠東曰賓日西曰華京次年春乃繕舊城凡六百一十六丈表裏高厚悉如樓臺下旁各分便門周城

水洞有二敵臺有九環以牛馬墻列孔以備耕畝闢場以積芻菱從橫五十丈止止堂集

隆慶六年譚綸請于薊昌十路練兵三萬列爲三大營以遵化永平遊兵合巡撫標兵爲遵化營以建昌遊兵合鎮守標兵爲三屯營以振武石匣二營合總督標兵爲密雲營永秋兩防合屯要地永平有警則遵化一營禦之三屯出二哨應之密雲出一哨應之薊州有警則三屯一營禦之遵化出二哨應之密雲出一哨應之密雲有警則密雲一營禦之三屯出二哨應之遵化出一哨應之兵皆據墻爲戰以止寇不入爲上功

繼世挈要



稍城及西墩空外俱寬平通騎衝要又三里至西岑若  
外通大川各墩空俱通人馬衝又六里至白棗谷外通  
大川各墩空亦通人馬衝又七里至三道嶺此外關雖  
通大川但裏口地勢三面如屏險可以據不通大舉三  
鎮邊務總要

洪山口關在遵化縣北三十里有城其內為松棚營方  
真紀要

弘治十二年八月整飭薊州邊備都御史洪鐘奏洪山  
口關原設于松棚谷境與營相去不遠成化間關移今  
所而營堡仍舊營去關三十餘里且山嶺道隘人馬不  
得並行遇警卒難策應請移營于附近李家谷口從之  
孝示實錄

由三道嶺四里至天勝砦正關通單騎不通大舉又三  
里至舍身臺砦正關并苦梨各墩空俱通騎極衝又五  
里至馬蹄谷關正關并稍城通騎極衝其餘墩空通步  
又十里至蔡家谷關正關水口并關東尖山墩空通騎  
衝要又二里至秋科谷砦正關秋科谷東空山墩猪墩  
通騎餘通步又十里至于家谷正關并桃樹安墩西界  
甸溝嶺墩各空通單騎衝又五里至羅文谷關外通大  
川各墩空俱通騎極衝又二里至貓兒谷砦外通大川  
各墩俱通騎極衝又十里至山砦谷正關并東西稍城  
及黃草安尖山墩營窩崖白嶺兒石板溝各墩空通騎  
極衝餘止通步又十五里至沙坡谷正關桑樹安迤西  
東山墩三空通單騎衝餘通步又三里至山口砦正關



并東西角樓墩空俱通騎衝要三鎮邊務總要

羅文谷關在遵化縣西北十里馬蘭谷東第十四關口

也其北五十九里曰窟窿山又北七里曰神山嶺又北

十三里曰白馬川又北十一里曰石夾口方輿紀要

馬蘭路關砦二十五東白石崖嶺砦西至峩帽砦延袤

二百三十六里大安口下關砦七石崖嶺砦洪武年建

冷背頭關龍池砦沙嶺兒砦大安口關鮎魚石關平山

頂砦俱永樂年建邊城二十八里空心敵臺八十五座

寬佃谷下關砦六馬蘭谷砦洪武年建獨松谷砦烽臺

嶺砦俱弘治十三年建龍洞谷關寬佃谷關俱永樂建

建 餓老婆頂砦正德十年建邊城二十七里空心敵臺

二十九座黃崖口下關砦七毗睥谷砦成化二年建占

強谷關

永樂年建

蠶椽谷砦青山嶺砦

俱成化二年建

車道谷砦

嘉靖十六年建

太平安砦

成化二年建

黃崖

口關

永樂年建

邊城六十里空心敵臺一十二座將軍

營下關砦五彰作里關將軍關黑水灣砦黃松谷關峩

眉山砦俱永樂年建邊城六十九里空心敵臺一十八

座西鎮三明志

馬蘭峪在遵化縣西北七十里為守禦要也有城關外

六十七里曰玄馬嶺又鮎魚石關馬蘭谷東第二關口

也正德四年朶顏入寇自鮎魚石毀垣入馬蘭谷十年

兀良哈寇馬蘭谷叅將陳乾戰死嘉靖三十四年俺荅

亦自此入犯馬蘭谷其東為大安口亦要口也嘉靖三

十八年嘗為寇陷口北三十六里曰柳林又北二里曰



白棗林又北十六里曰新開嶺 方輿紀要

由山口砦五里至石厓嶺西三墩空平漫通單騎餘通

步又四里至冷背頭關外通大川各墩空俱衝通大舉

又五里至龍池砦通大舉又十里至大安口關邊外通

大川正關並各墩空俱通騎極衝又四里至沙嶺兒砦

夾石口過道嶺墩內外平漫俱通騎極衝又九里至鮎

魚石正關通大舉其東西墩空山險可通步又四里至

平山頂砦內外平漫通馬步衝 三鎮邊務總要

沙嶺兒砦其北為琵琶谷 西鎮三關志

由平山頂六里至馬蘭谷境外地名秋木嶺離邊三十

里通大舉東通鮎魚石南通歪骨墩東北穿謝家谷衝

又三里至獨松砦駝駝谷安口墩平漫通大舉衝又七

里至峯臺嶺砦通步不通騎又五里至龍洞谷路窄正

關瓦子谷俱通單騎衝又五里至寬佃谷正關水口內

外平漫通大舉又五里至餓老婆頂砦路窄通單騎東

空平漫通騎 三鎮邊務總要

寬佃谷黃崖谷東第六關也 方輿紀要

谷有天香寺 長安客話

由餓老婆頂十里至耻瞻谷砦又三里至古強各關並

山險不通騎又三里至蠶椽谷通步不通騎又十里至

青山嶺砦通單騎又八里至車道谷由楸十嶺通步不

通騎又二里至太平安砦由擦子臺離砦十里通人馬

正口衝又十一里至黃崖口門正關水口東西稍城斷

頭厓安口墩中山兒龍扒谷磚墩東西二空俱通騎衝



黃崖谷關在薊州北四十里其北三十五里曰尋思谷又北十五里為柞兒谷又車道谷堡在黃崖谷東直北即元之大興州也方輿紀要黃崖谷俗呼曰萬塔黃崖山嶺上一塔黃色相傳金為之餘塔不可數東南通古北口元避暑故道也長安客話

由黃崖口關四十里至彰作里關正關水口并紅石谷墩空俱平漫通人馬極衝又二十里至將軍石關正關水口城下內外廠邊及大段頭山小段頭山墩空極衝又十五里至黑水灣砦路狹山險通步又八里至黃松谷關正關水口城下內外平漫通人馬極衝又二十里

至峩眉山若通步不通騎三鎮邊務總要

黃松谷關邊界分屬密雲而其地則逼近平谷縣境方輿紀要

峩眉山在密雲縣東北一百一十里其東曰黃松谷將軍石目將軍石而北十三里曰夾城嶺又北一里曰私鹽嶺又北十六里曰斗子谷自峩眉山東至薊州之黃崖谷關凡五口同上

興善寺在峩眉山營東二里至平谷縣二十里唐咸通三年建寺之東北里許靈泉山下有泉出焉經流于寺俗因稱水谷寺平谷縣志

白雲寺在黑豆谷砦北至縣二十五里金皇統四年建同上



墻子路關砦一十一東自魚子山西至大黃崖口延袤  
二百三十一里鎮鹵營下關砦五魚子山砦熊兒谷砦  
南水谷關北水谷關灰谷口砦俱洪武年建邊城一百  
四十五里空心敵臺十座墻子嶺下關砦六黃門口關  
南谷砦墻子嶺關磨刀谷砦俱洪武年建小黃崖關大  
黃崖關俱永樂年邊城八丁六里空心敵臺六十九  
座四鎮三關志

由峩眉山砦十五里至魚子山砦桃園墩南北順墩大  
青山嶺墩窪墩等處平漫通騎又二十里至熊兒峪正  
關水口隘馬其餘墩空止通單騎又二十里至南  
水谷正關水口平漫通騎又八里至北水谷正關水  
口并挂弓頂臥狗嶺三空通單騎衝餘通步又十里至

灰谷口腰

千石墩空通單騎三鎮邊務總要

世傳黃帝

陵在漁子山今平谷縣東北十五里岡阜

然形如大冢

即漁子山也其下有軒轅廟長安客話

元封元年

帝北巡朔方勒兵十餘萬還祭黃帝冢

釋兵須如

帝曰吾聞黃帝不死今有冢何也公孫卿曰

黃帝已仙

上天羣臣思慕葬其衣冠漢武故事

按史記黃帝崩葬橋山魏王象繆襲等塋皇  
覽云在上郡地理志謂是上郡同陽縣括地  
志謂在寧州羅川縣東八十里子午山今平  
谷之陵人多疑流傳之誤然帝既都涿鹿則  
葬于此理亦有之抑衣冠之葬以者非一處  
也



香嵐寺在漁子山砦南二里至平谷縣二十里金明昌三年建俗稱獨波谷寺

平谷縣志

鎮鹵營在墻子嶺南三十里有新舊兩城其東有魚子山堡西北與熊兒谷相接東入平谷縣境

方輿紀要

弘治六年八月整飭薊州邊備都御史屠勲奏故豬圈頭關平漫難守關之北三里曰北水谷南八里曰南水

谷成化中各因山增設二關險要可守但區畫未備請於二關內加修城垛增立墩堡從之

孝宗實錄

由灰谷口十二里至黃門口關正關水口平漫可通大

舉又松嶺墩空亦可通騎又十里至南谷砦正關河口平漫可通大舉又防秋墩空亦可通騎又八里至墻子

嶺關外通大川寬漫內南高墩并窩舖嶺及正關月城

河口俱衝又一里至磨刀谷正關水口通墻子嶺大川

并大小尖山墩空平漫通大舉又三十里至小黃崖關正關河口可通單騎又十二里至大黃崖關正關通單

騎餘通步

三鎮邊務總要

墻子嶺在密雲縣東北古北口之東南嘉靖二十四年

采顏二十萬騎潰此而入大掠通州及順義三河諸縣四十二年俺荅復由此入其東北為磨刀谷嘉靖中嘗

八守

方輿紀要

墻子嶺距密雲縣七十五里城周一里三百一十步四尺

三門參將提調各一人守之有水關水東流至石匣南入于潮河崇禎十一年失守總督侍郎吳阿衡死焉

昌平山水記



自墻子嶺而東十六里曰城子谷又東五里曰響水川  
又東有陡子口李家莊青年嶺三岔口諸處

方輿紀要

曹家路東自小室兒砦西至將軍臺砦延袤一百三十  
五里關砦二十二小臺兒砦石塘谷砦姜毛谷砦蘇家  
谷砦大水窪砦大虫谷砦遙橋谷砦惡谷砦南谷砦燒  
香谷砦烽臺谷砦黑谷砦水谷砦漢兒嶺關大角谷砦  
倒班嶺砦師姑谷砦扒頭崖砦梧桐安砦齊頭崖砦柏  
嶺安砦將軍臺砦

但洪武年建

邊城一百六十四里空

心敵臺五十八字

興三關志

由大黃崖關十里至小臺兒砦邊外有橫山通步又七  
里至石塘谷邊外山險通步又七里至姜毛谷邊外有  
橫山通步又十里至蘇家谷邊外亦有橫山通步又五

里至大水窪又十五里至大虫谷又十五里至遙橋谷  
又八里至惡谷邊外皆霧靈山障之僅通步徑右折爲  
馬連谷營再左爲南谷砦自惡峪至南谷五里又五  
里至燒香谷邊外有霧靈山通步又十里至峰臺谷北  
五里至黑谷砦其北爲紅門川正關河口迤南通騎折  
而右十里至水谷砦平漫通騎衝又十里至漢兒嶺通  
川谷一道隘口窄正關并西山墩空通騎衝又五里至  
大角谷通步又五里至倒班嶺通大川水口迤西口上  
墻一帶通單騎又五里至師姑谷外通大川極衝又五  
里至扒頭崖東接土墻外通大川山險不通騎又三里  
至梧桐安砦又十里至齊頭崖山俱險又四里至栢嶺  
安砦廟兒嶺墩北高墩狗皮嶺路通單騎迤西墩空俱



山險又六里至將軍臺山險通步 三鎮邊務總要

潮河川東二十里為司馬臺有城二門提調一人守之

東南有將軍臺堡又東四十里為曹家砦距密雲九十

里城周六里三十六步三門復築新營附城之西二門

遊擊一人守之其東有黑谷關堡有水關守備一人守

之南有吉家莊堡提調一人守之曹家砦之東墻子嶺

之北有霧靈山距邊四十里水經注孟廣礪山也其下

為廣礪水自黑谷關入西南流逕墻子嶺西合清水河

其山高峻有雲霧蒙其上四時不絕上多奇花又名

花臺山之左右峰巒拱列深松茂栢內地之民多取材

焉元史有霧靈山伐木官又言文宗命西僧於霧靈山

事一月而其絕頂可瞰塞內議者謂山錯在朶顏

地界據此山守之則易循山南守之甚難嘉靖初巡撫

都御史三大用欲通朶顏與以重賂取其山城之不果

也 昌平山水記

曹家砦在雲縣東北九十里西去潮河川六十里古

北口東第十三關口也有城城之西為新營口外

五里為青沙嶺又北五十四里即小興州又有牛心山

在曹家砦土墻邊外四十里 方輿紀要

黑谷關在曹家砦東北其北十四里曰榆樹林東南三

十六里為鴿子塘又南十里曰經道兒東北過斗裏庫

砦巢也 同上

惡谷砦在黑谷關南嘉靖間議者請于惡谷紅土谷香

鑪石等處塹崖壁以為固其地蓋相近也 同上



黑谷關東南為吉家莊營又東五十里曰大安子嶺又東三十里曰黃土嶺又東北三十里曰紅門川邊防考霧靈山在密雲縣每於六月六日現祥光如霧土人如期候之上多奇花又名萬花臺獅山掌錄

霧靈山有雲峯寺相傳寶誌公會卓錫于此長安客話

白河發源于霧靈山漕河考

白河源出塞外經密雲縣霧靈山為潮河川而富河晉口河七渡河桑乾河三里河俱於此會名曰白河南流經通州合通會及榆津諸河凡三百六十里至直沽會衛河入海吳道南河渠志

霧靈山在密雲縣東北二百里距邊四十里即水經注

孟廣礪山也方輿紀要

孟廣礪水出礪下礪甚嶒峻峩峩冠眾山之表水經注

古北口路關砦一十八東自盧家安砦西抵蠶房谷砦

延袤九十五里古北口下關砦九盧家安砦鴉鵲安砦

司馬臺砦了髻山砦沙嶺兒砦磚塚子關龍王谷關而

坡谷關古北口關俱洪武年建邊城五十五里附墻臺

一座空心敵臺八十四座潮河川下關砦八潮河第一

砦第五砦第六砦潮河川關第七砦弔馬谷砦徒道谷

砦蠶房谷砦俱洪武年建邊城九十二里空心敵臺二

十七座四鎮三關志

由將軍臺十里至盧家安砦又三里至鴉鵲安砦山俱

險通步又四里至司馬臺隘口通單騎又六里至了髻

山又三里至沙嶺砦又三里至磚塚子關又六里至龍



王谷又十里至岫坡谷又十里至古北口俱外通大川  
各墩空俱通騎極衝三鎮邊務總要

後梁乾化三年三月晉將劉光濬克古北口燕居庸關  
使胡令圭等奔晉通鑑

遼神冊六年十一月下古北口遼史太祖紀

統和四年十二月以古北松亭渝關征稅不法致阻商  
旅遣使鞠之遼史聖宗紀

宋太宗謂宰相曰幽州四面平川無險固可恃難于控  
扼異時收復燕薊當於古北口以東據其要害不過三  
五處屯兵設堡自絕南牧矣宋琪對曰范陽是前代屯  
兵建節之地古北口及松亭關野狐門三路並立堡障  
至今石壘基堞猶存將來不定幽朔止于數處置戍可

也太平治邊統類

金天輔三年蒲莧敗宋兵于古北口金史太祖紀

太祖人居庸關遼林牙耶律大石自古北口亡去金史  
粘割韓奴傳

遼兵屯古北古宗翰使娑盧火將兵二百擊之渾黜亦  
將二百人為後援渾黜聞遼兵眾請益兵宗翰欲親往  
希尹費室請行渾黜至古北口遇遼游兵逐之入谷中  
遼步騎萬餘追戰死者數人渾黜據關口希尹等至大  
破遼兵斬馘甚眾金史完顏希尹傳

宗翰在北安州將會斜也于奚王嶺遼兵奄至古北口  
奮擊大破之金史叛裔遼傳

習古迺追蕭妃至古北口金史娑盧火傳



溫迪罕阿魯帶以兵四千屯古北口薊州石門關等處各以五百人守之窩斡收合散卒萬餘人時時出兵寇速魯古淀古北口興化之間金史窩斡傳

大定二年六月戊寅詔居庸關古北口譏察契丹奸細已卯詔守禦古北口及石門關八月萬戶溫迪罕阿魯帶與奚戰于古北口敗焉金史世宗紀

泰和五年八月築古北口東陘二城大金國志

大安三年總管萬戶瓜頭屯古北口金史衛紹王紀

貞祐二年六月潮河河溢漂古北口鐵裹門關至老

王谷金史五行志

元中統二年十月詔平章政事塔察兒率軍士萬人由古北口西便道赴行在所三年閏月立古北口驛四年

正月罷古北口新置驛元史世宗紀

天曆元年九月上都兵入古北口將士皆潰其知樞密院事竹溫台以兵掠石槽燕帖木兒遣撤敦倍道趨石槽掩其不備擊之燕帖木兒大兵繼至轉戰四十餘里至牛頭山降者萬人餘兵奔竄夜遣撤敦出古北口逐之元史文

至正四年三月壬寅秃堅帖木兒兵入居庸關甲辰皇太子率侍衛兵出光熙門東走古北口趨興松元史順帝紀

明洪武二十二年命燕王出師古北口襲乃兒不花于進都降下之實錄

永樂八年正月塞古北口小關及大關外門僅通一人



一騎 成祖實錄

嘉靖二十九年俺荅入寇官軍禦之于此俺荅別遣精騎走間道從關左黃榆溝出師後官軍遂潰自古北口至京師才七舍漫衍無衛戍瞭望俺荅長驅而南京師大震既而復循諸陵而北東循潮河川由古北口出關口兩崖壁立中有路僅容一車下有深澗巨石磊砢凡四十五里乃險絕之道也 方輿紀要

古北口水淺則絕潮河水大則紆迴從山頂行故石匣至古北口計程為六十里也宋沈括言自金溝館東北行乍原乍黑三十餘里至中頓過頓屈折北行峽中濟灤水通三十餘里鈎折投山隙以度所謂古北口也時道出其西故云然其曰灤水即今之潮河也古北口城

在山上周四里三百一十步三門洪武十一年立守禦千戶所三十年改密雲後衛領左右中前後三戶所其後以叅將一人守之唐書檀州燕樂縣有東軍古北二守捉北口長城口也又北八百里有吐護真河奚王牙帳也金史古北口國言口留幹嶺元史古北口千戶所於檀州北面東口置司唐莊宗之取幽州也遣劉光濬克古北口遼太祖之取山南也先下古北口金之滅遼希尹大破遼兵于古北口其取燕京也蒲覓敗宋兵于古北口元文宗之立也唐其勢屯古北口懲敦追上都兵于古北口禿堅帖木兒之入也太子出光熙門東走古北口嘉靖中俺荅之犯京師也入古北口出古北口故中居庸山海而制其阨塞者古北喜峯二口焉城



北門外有楊業祠業以雍熙中為雲州觀察使契丹陷寰州遇于雁門北陳家谷力戰不支被擒不食三日死忠矣然雁門之北口非古北口也祠于斯者誤也 昌平山水記

自檀州北行八十里又八十里至虎北口館 使遼行程記

按古北口亦名虎北口而太原汾水之北亦有虎北口通鑑石晉天福元年契丹主至晉陽陳于汾北之虎北口開運二年趙延壽部曲降者言契丹主還至虎北口聞晉取秦州復擁衆南向是太原之虎北口也

古北口兩傍峻崖中有路僅容車軌口北有鋪設弓連

繩本范陽防阨契丹之所最為隘東出口度得勝嶺盤道數層俗名思鄉嶺八十里至新館過雕窠嶺偏槍嶺四十里至臥如來館 王沂公上契丹事

幽州之地沃野千里北限大山重巒中有五關居庸可以通大車通轉餉松亭金坡古北口止通人馬不可行車外有十八路盡兔徑鳥道止能通人不可行馬 許奉使行程錄

古北口城雄據山頂蓋徐武寧所經畧也 荆川集

韓琦虎北口詩東西層巘鬱嵯峨關口纔容數騎過天意本將南北限即今天意又如何 安陽集

蘇轍古北口詩獨臥繩牀已七年往來殊復少情緣魂歸故國鳥飛處身在中原山盡邊梁市朝回塵滿



馬蜀江春近水浮天枉將眼界疑心界誰信逍遙物  
外篇 樂城集

倪敬古北口詩虎豹森嚴雉堞牢亂山如戍入雲高  
驅車直上西岡頂沙漠依稀見白旄 月樓詩

唐順之古北口作諸城皆在山之坳此城冠山如鳥  
巢到此令人思猛士天山萬里鳴刁消 荆川集

古北口僧寺刻宋蘇文定轍古北口道中詩云亂山環  
合疑無路小徑縈迴長傍溪髣髴夢中尋蜀道興州東

谷鳳州西宋史元祐間轍嘗代軾為翰林學士尋權吏  
部尚書使契丹館客者侍讀 王師儒能誦洵軾之

文及轍茯苓賦此蓋奉使時所題也 塞北小鈔  
由古北口關五里至潮河第一砦邊外大川各墩空俱

平漫通騎極衝又三里至第五砦邊外大川各墩空俱

平漫極衝惟栢柵山險又一里至第六砦邊外大川惟  
箭口安高險不通騎其黃榆墩係嘉靖庚戌俺荅入犯

處又一里至潮河川關邊外大川各墩空俱通騎極衝  
又三里至第七砦又八里至弔馬谷又三里至柞子谷

又十里至陡道谷又八里至蠶房谷山俱險通步 三鎮  
邊務總要

潮河川守禦千戶所有關河自塞外興州發源入古北

口西南經密雲懷柔至牛欄山與白河合其寬處可一  
二里昔人斫大樹倒着川中狹處僅二三丈以巨木為

柞其外縱橫布石以限戎馬此漢郎中侯應所謂木柴  
僵落谿谷水門者然水性湍急大雨則諸崖之水奔騰



而下漂木走石當歲歲修治又所云功費久遠不可勝計也川之兩傍築垣立臺東臺下有鐵門關為出入道常扃鑰不開而臺上有樓總督大臣以撫賞涖焉關外為夾牆撫夷魚貫而前受賞于關下軍士列兩山上伐鼓吹角以震讐之下有小城曰北關營二門而川口東南有小城曰潮河川堡亦二門守備一人守之臺之東西因山為城參差曲折千里不絕其衝處則建空心敵臺高或三四丈廣或十四五丈凡衝處或四五十步一臺緩處或二百步一臺每臺百總一人主殺敵臺頭副二人主輜重五臺一把總十臺一千總皆以南兵充之每一二里鈴柝相聞為一墩每墩軍五人主瞭望每路傳烽官一人有警舉烽左右分傳數百里皆見應速而

備豫大抵皆戚少保繼光之遺畫也 昌平山水記

潮河在密雲縣東南自古北口流入縣界西南流至順義縣合于白河 方輿紀要

元中統二年十月指揮使李伯祐率餘兵屯潮河川十一月分蒙古軍為二怯烈門從麥肖出居庸口駐宣德德興府訥懷從阿忽帶出古北口駐興州帝親將諸萬戶漢軍及武衛軍由檀順州駐潮河川 元史世祖紀至和元年八月徹里從知院脫脫木兒至潮河川獲完者八都兒愛的斤等十二人 元史本傳

明弘治八年十月命兵部右侍郎王宗彞同工部左侍郎徐貫都御史屠勳詣黃花鎮抵居庸一帶邊關看驗地形平坡隘口應修治處所奏聞十二月宗彞等奏按



視潮河川形勢河口東西濶百七十餘丈地皆流沙土  
脈不堅城之不便惟宜增兵戍守其響水谷以東直抵  
古北口一帶墩座稀少請於內各添設大墩一每墩濶  
十二丈高三丈上置草屋下挑濠塹遣謀者分班瞻望  
從之 孝宗實錄

巡撫洪鍾議以古北口東三里許二若三砦間其山外  
高內低約餘二丈鑿為兩渠以殺水勢復于口外砌石  
堰使水由川中行仍於堰內築外關一座以防寇衝詔  
從之議者謂於栢檀山築墻則川在墻內鑿之無益或  
又言潮河川古道門外有蜂窩嶺增墩濬川設橋其間  
可防衝突許論則謂潮河川係殘元避暑故道設橋則  
浮沙難立為壘則漲水易淤若多建石墩列川中錯綜

宛轉令不得水路亦備禦之一法也 方輿紀要

弘治十三年火節自大同深入乃分遣大臣戍此 同上  
弘治十四年七月都御史洪鍾奏潮河川功成上勅司  
禮監太監李璋工部右侍郎張達閱視八月達等勘事  
回言鍾所鑿石洞上寬下狹僅泄小水夏秋水溢石墮  
仍循古道其稱得地數百頃亦近邊墻地多沙石耕種  
匪宜若其修築川內大小石城邊墻墩堡具有成績其  
用心亦可嘉也上命兵部看詳以聞於是兵科都給事  
中屈伸劾鍾欺罔之罪而六科十三道齊劾奏鍾并及  
張達劄鍾俸三月宥達勿問 孝宗實錄

弘治十八年六月設潮河川新營于古北口外關調古  
北潮河二營戍守 武宗實錄



嘉靖三十二年經畧侍郎楊博上言潮河川西山野豬嶺墩起至豬背砦後崖止計長四百一十五丈中間岡勢坦漫豁峴五處俱係賊馬往來馳騁舊路臣今議於川內創築小石城六座每城內各築一墩自北而南三城儼如綦布自南而北三城宛如星羅臨期酌量賊勢分屯勁兵令其隱見避擊又議於川西山野豬嶺墩起至豬背砦河口墩迤北石崖止創修橫城一道以伐其占據山梁之謀

世宗實錄

董毅塞上曲洗劍潮河水滿川彎弓古北雲討韃將軍好着燒荒令莫遣花當輒近邊

參龍子集

湯顯祖送人從軍詩鴉鵲盤雲秋氣清長川飲馬暮嘶聲新穿

補中花樓子知

正潮河第一營

玉茗堂集

由潮河川營至石匣營四十里石匣營至白馬關四十里白馬關至石埭營四十里

三鎮邊務總要

密雲新城東北六十里為石匣城城周四里二百六十四步三尺四門城西平地有石如匣深不可剗故以名其驛自會同館東北六十里為順義驛七十里為密雲驛六十里為石匣驛先置在今城南里許宣德四年密雲中衛奏為河水所嚙徙焉弘治十七年築城自石匣城東北行十里為腰亭舖入山又十里為新開嶺又十里為老王店金更貞祐二年潮河溢漂古北口鐵裹門關至老王谷者此也

昌平山水記

正德十年五月巡關御史張鰲山陳邊防事宜謂密雲北去古北口關各百里西去黃花鎮百五十里遇警應



援不能及惟石匣營為適中請添設副將駐劄操備提督侍郎陳三為以爲不必添設 武宗實錄

石匣營距密雲縣治六十里洪武中建土城嘉靖中增築石城屹然遂為一巨鎮矣 長安客話

石塘路關砦二十三東自陳家口西抵开連口延袤二

百五十里白馬關下關砦十一陳家谷關東駝谷關西

駝谷關左二關響水谷關白馬關划車嶺砦白崖谷關

馮家谷關營城嶺關黃崖口關 俱永樂年建 邊城一百

五十五里空心敵臺三十六座石塘嶺下關砦十二石

塘嶺關東石城關西石城關東水谷關大良谷砦白道

谷關牛盆谷關小水谷關大水谷關河坊口關神堂谷

關开連口關 俱永樂年建 邊城九十二里附墻臺三座

空心敵臺五十九座 四鎮二關

由蠶房谷十里至陳家谷橫嶺北平漫通單騎又五里

至東駝骨關北平南險通單騎又十里至西駝骨關工

關并迤東墩空通騎衝又三里至左二關止關通騎極

衝餘通步又十里至響水谷通步又十里至白馬關正

關河口通連騎極衝紅土谷并莊窠谷通單騎餘通步

又三里至划車嶺正關平漫通單騎今改修邊堡又十

里至白崖谷通步又十二里至馮家谷正關并迤西六

墩空俱通單騎衝又二十里至營城嶺山險止通步又

五里至黃崖口關正關通單騎衝鮎魚石塢空通單騎

餘通步 三鎮邊務總要

白馬關在石塘嶺東北四十里東去潮河川九十里



城有水關關北七十五有湯河又北百四為滿套兒要衝也自湯河上稍正南行順白河至石塘嶺可二百里

山惡水深稱為天險 方輿紀要

白馬關相近有高家堡萬曆中朶顏犯石塘嶺攻白馬

關及高家堡官軍禦卻之 邊防考

由黃崖口關五里至石塘嶺正關河口寬敞通人馬其

關東石門墩夏秋水大河石坳馬難行打虎安老鷓嶺

三空墩亦可通馬餘山險通步又三里至東石城又二

里至西石城正關俱通單騎餘通步又四里至東水谷

關正關通單騎東西南山俱陡又十五里至大良谷兩

山陡峻通步又二里至白道谷通步不通騎又五里至

牛盆谷通步又五里至小水谷山險通步又七里至大

水谷正關口并東山崖單騎餘通步又五里至河防

口通大川正關河口并東西兩山墩空俱衝又十五里

至神堂谷串條子墩空通連騎極衝餘通步又二十里

至開連口通大川正關水口寬漫通連騎極衝黃草窪

南山墩東敵臺三空通單騎迤西各墩空通步 三鎮邊

務總要

石塘嶺之陰有崖儼如鳥形綠羽紅喙舊呼鸚鵡崖 長

安客話

許倏塞上曲古北關前月似霜石塘嶺下塞雲黃鳴

笳夜半邊聲起不是征夫亦斷腸 西峪集

大水谷河源出塞外歷懷柔順義界至孫家莊東北合

黃花鎮川河 昌平山水記



入水谷關在懷柔縣東北三十里北去密雲縣之石塘  
嶺四十里有城旁地平坦賊騎易入其北十八里日段  
伏嶺又有安子嶺在口北八十餘里皆防禦處 方輿紀

河防口關在縣東北開連口東第二關口也口外爲連

雲棧又北爲沙嶺兒隘窄不容馬防守較易 同上

開連口關在縣北黃花鎮東第十一關口也其東北二

十八里有三角城本名三角村徐達敗元于此 同上

薊鎮設督臣自嘉靖庚戌始 太函集

日下舊聞卷三十六

日下舊聞卷三十六補遺

邊障上

鐵門山距鐵門關三里在李家谷左其南爲穹窿山頂  
明如月穿之跨其巔山與鐵門山並高其洞十丈大小  
一孔廣如高之半旁爲穹窿者多其陽平疇也洞內周  
十餘里小洞十數極巔大洞紅鶯之巢也轉而東懸  
石皆五色又東崖向北前坡鼓以八音莫不應焉名應  
樂軒出洞口十里爲西山嶺卽喜峯古松亭也其峯  
削下腰有洞二丈餘深倍之有墳在岡臨關口乃古蕃  
王墓元許有壬紀事謂有久戍士父尋之相逢于此喜  
笑父子俱死塋焉曾爲之風雨大作而止今戍者歲祀  
之其稱喜峯蓋訛自永樂之後也 碣石叢譚



萬曆庚辰夏仲辛巳鵲蛇關于喜峯東園同上

萬曆甲申仲夏辛酉喜峯井兒北九號臺轟雷霹電將

舖房三間并汛軍火器盡燬震死戍兵童守忠臺正臺

副龔象壬亮三越五日三屯營丑時地震丁亥仲夏

癸巳三屯營酉時地震自西北而東南有聲如雷喜峯

李家谷申時風雨交作電擁尺餘同上

薊鎮忠烈廟合祀于三屯以死事都督孫贖未曾立廟

但塑象于景忠山三忠祠後新廟既成昇入居中獨坐

以副總兵而下旁列祀之同上

三屯城東北二十五里為芹菜山遼進士馮唐卿于山

前結廬種芹自給故名其陰則青山關營也同上

徐武寧王之人燕都也順帝夜開健德門北奔太子率

侍衛兵出光熙門東走古北口趨興松順帝駐應昌府

一而殉國人謚曰惠宗太子嗣立改元宣光凡十一

年謚曰昭宗歷代建元考

昆田按順帝北走駐蹕應昌太子愛猷識

里達嗣立徒和林改元宣光高麗稱為北元

辛禍嘗奉其年號時洪武十年也明年豆叱

仇帖木兒立北元遣使告高麗繼又以改元

天元告高麗具見鄭麟趾高麗史則繼順帝

而建元者非止宣光矣

宋初自雄州東際于海多積水議者以為宜度地形高

下建阡陌浚溝洫所以實邊廩而限戎馬今潮河川一

帶何不仿此遏水為陂則所防水堅時爾谷水談林



李夢陽詩孤蓬絕塞口匹馬戎程前跨迴烟墩直  
危石棧連飛雲下獨石逝水入潮川舊對張軍帥題

詩醉菊天

空同集

軒轅陵在橋山載紀所同特橋山匪一上郡媯州皆有  
之漢武帝元封元年帝北巡朔方勅兵十餘萬還祭黃  
帝冢橋山此上郡之橋山也北魏明元帝神瑞二年六  
月丁卯南次石亭幸上谷壬申幸豕鹿登橋山觀溫泉  
便使者以太牢祠黃帝遂至廣甯泰常七年九月幸灑  
南遂如廣甯幸橋山遣使者祠黃帝因東幸幽州太武  
帝神麇元年八月東幸廣甯臨觀溫泉以太牢祭黃帝  
此媯州之橋山也郭景純注山經云帝王家莫皆有定  
處而山經往往復見蓋聖人久于北位仁化廣及至于

殒亡四海無思不哀故絕域殊俗之人聞天子崩各自  
立位而祭起土爲冢是以所在有焉景純之論可謂善  
言古者矣後之讀史偏執成見以史記爲是必以魏書  
爲非然黃帝旣都涿鹿安在媯州之不可營壑乎  
讀史折衷

喜峯口古松亭關外有山石壁峭絕萬仞無蹊徑可上  
巔有精舍三合朱扉粲然自下望之可見土人云每夜  
聞其上有鐘梵聲竟不能測  
皇華紀聞

叅將魏祥死節于石塘嘉靖丙申勅建祠于古北口大  
石山之陽  
黃圖雜志

薊鎮經書臺墻規制俱出于戚少保  
海嶽山房集

彭汝礪過虎北口詩雪餘玉色更清明野店忽聞雞



日下舊聞  
一聲地里山川從禹畫人情風俗近燕京  
漁陽父老常流涕燕領將軍孰請纓  
容覆不分南與北方知聖德與天平  
鄒湯集

日下舊聞卷三十七

邊障下 昌鎮

薊昌先一鎮嘉靖三十年始分爲二設提督都督一員護視以窺防守邊關遂爲昌鎮 長安客話

黃花路東自募田峪西至棗園砦延袤一百八十里隘

口一十七渤海所下隘口七募田峪關 永樂二年建 賈

兒嶺口 嘉靖二十五年建 田仙峪砦 永樂二年建 擦石口

嘉靖二十三年建 磨石口驢鞍嶺口 俱永樂三年建 大

榛峪口 永樂年建 邊城八十一里半附牆臺四座空心

敵臺四十四座黃花鎮下隘口十南冶口 永樂二年建

大長峪口小長峪口 俱永樂年建 本鎮口 嘉靖十七年

建 鷓子峪口 嘉靖二十三年建 撞道口 永樂二年建 石



湖峪口 正德八年建 西水峪口石城峪口棗園砦口俱  
永樂年建 邊城五十五里半附墻臺二座空心敵臺二  
十九座戰臺四座因陔寢重地有警屯駐戰兵特設  
鎮三關志 四

由开連口十里至慕田谷關正關并迤西王家坨燈干  
嶺榨子墪劉家頂分界墩胡思谷至界牌石止各墩空  
俱山形平漫外臨大川極衝又五里至賈兒嶺界牌石  
迤西安寧臺大管仲渠至德勝臺止內險外平牽馬可  
上餘通步又三里至田仙谷山險有溝一道直水關緩  
又十五里至擦石口山險有溝一道外通梨樹坨置有  
城濠可守又十里至磨石口惟二道關并東山墩空及  
水口衝要通馬其大安家坨迤西嵐兒谷各山險通步

又五里至驢鞍嶺內險外平又五里至大榛谷正關外  
通四海冶東谷阜箭石東山墩雪山墩俱通單騎餘山  
險稍緩又十里至南冶口通步又三里至大長谷堡山  
險通步又二十里至小長谷堡山形雖下外險止通步  
又五里至本鎮口頭道關其二道關通四海台來騎三  
道關往西南道路寬漫通衆騎極衝又六里至鷓子谷  
堡墻外寬平通衆騎極衝其南北山墩二空皆山險通  
步又三里至撞道口內窪外阜受敵極衝其桃園東西  
墩空通步緩又二里至石湖谷山險不通騎又三里至  
西水谷外通永陵南山 謊礮兒并韓家川通大舉極衝  
又二十五里至石城名卽榆林溝東西平安地方棗園  
砦二處係禁山多林木外通白龍潭可行單騎又五里



至棗園砦即驢兒北迤東係禁山緩

慕田峪城三門守每一人守之自此以東皆單邊自此

以西皆重邊也渤海守禦千戶所城三門距黃花鎮城

三十里距昌平州一百里其西小長谷堡有鑛洞嘉靖

三十六年封閉

昌平山水記

慕田谷在州東北百有五里其西南有城設官軍戍守

萬曆初移渤海所了慕田谷關

方輿紀要

渤海新舊營城二座嘉靖二十七年建城有渤海倉

四鎮三關志

嘉靖中許論上言渤海所當山陵之北其間有蘇家口實為扼塞之地自此直抵通州張家灣凡百十里由張家灣至通州北塞籬村四十里有白河水深沒馬可據

為守惟塞籬村至蘇家口七十里地形平漫每為賊衝

若密築敵臺界之以墻使京師有重關之險策之得也

從之

邊庭頌書

黃花鎮為京師北門東則山海西則居庸其北隣四海

治極為緊要之區故弘治中遣總制嚴蘭經畧東西諸

關

長安客語

黃花鎮以東歷密雲馬蘭太平燕河屬于山海謂之東

關以西歷居庸白羊紫荆倒馬屬于龍泉謂之西關

方輿勝畧

黃花鎮距州北八十里城三門元史黃花鎮千戶所於

昌平縣東口置司者也以叅將一人守備一人守之景

泰中又設內官守備嘉靖四十年革鎮城置天壽山之



後當居庸古北二關之中而北連四海治昔人所謂擁  
護山陵勢若肩背者其水曰黃花鎮川河出塞外自二  
道關入口逕渤海所懷柔至順義界入白河其流九曲  
俗謂之九渡河城北有碧霞元君廟其殿西有二松相  
去四五尺而上枝樛曲相穿遂合為一名曰交松城巧  
有垣一重曰頭道關再重曰二道關 昌平山水記  
黃花鎮城一座景泰四年建城有黃花倉 四鎮三關志  
章士雅黃花鎮詩萬里黃雲百二關九陵烟樹接羣  
山王庭遠徙邊塵爭征馬蕭蕭白日閒 長安客語  
居庸關洪武元年大將軍徐達建城跨兩山周一十三  
里高四丈二尺關東自西水峪口黃花鎮界九十里西  
至鎮邊城堅子谷口紫荆關界一百二十里南至榆河

驛宛平縣界六十里北至土木驛宣府界一百二十里  
四鎮三關志

何謂九塞大汾冥阨荆阨方城微井陘令疵句注居庸  
呂覽 淮南子同大作太冥作泚穀下有坂字

居庸在上谷沮陽之東通軍都關 淮南子注  
關在沮陽城東南六十里居庸界故關名矣使者入上  
谷耿况迎之于居庸關即是關也其水導源關山南流  
歷故關下谿之東岸有石室三層其戶牖扇扉悉石也  
蓋古關之候臺矣南則絕谷累石為關址崇墉峻壁非  
輕功可舉山岫層深側道褊狹林障據險路才容軌曉  
禽暮獸寒鳴相和羈官遊子吟之者莫不傷思矣其水  
歷山南逕軍都縣界又謂之軍都關續漢書曰河書盧



檀隱上谷軍都山也其水南流出關謂之下口水流潛伏十許里是也水經注

漢志有軍都居庸兩縣蓋縣各有關按蘇林注但言居庸有關而軍都則否蓋北魏時曾分置兩關爾通鑑注

晉咸康六年慕容皝帥諸軍入巒螭塞直抵薊城永和六年慕容雋使慕容霸將兵二萬自東道出徒河慕輿

干自西道出巒螭塞又太元十年慕容垂遣慕容農出巒螭塞巒螭即居庸音轉耳方輿紀要

北齊改居庸關為納欵關通典幽州昌平縣西北三十五里有納欵關即居庸故關亦謂之軍都關古夏陽川也新唐書志

媯州懷戎縣東南五十里有居庸塞東連盧龍碣石西屬太行常山實天下之險同上

居庸關亦名薊門關十道志幽州昌平縣北十五里有軍都陞通鑑注

會昌五年詔毀天下佛寺并勅僧尼歸俗五臺僧多奔幽州李德裕以責幽州帥張仲武封二刀付居庸

關曰有遊僧入境則斬之通鑑太行山南自河陽懷縣迤遑北出直至燕北無有間斷

此其為山不同他地蓋數千百里自麓至脊皆險峻不可登越獨有八處相通微徑名之曰陘居庸關者其最

北之第八陘也此陘東西橫亘五十里而中間通行之地才濶五步北邊備對

李英上書高琪曰中都之有居庸猶秦之嶠函蜀之劍



門也 金史本傳

關在昌平西北四十里元翰林學士王惲謂始皇築長城居息庸徙于此故以名焉 宋齋稿

居庸亦謂之冷陁 同次齋稿

居庸關南口有城南北二門魏書謂之下口常景傳都督元譚據居庸下口是也北齊書謂之夏口文宣紀天保六年築長城自幽州北夏口至恒州九百餘里是也元史謂之南口亦謂之西關三國志田疇乃上西關出塞傍北山直趨朔方是也亦謂之軍都關漢立軍都縣于山之南今州東四十里有軍都村後漢盧植隱居昌平軍都山中昭烈修弟子禮事之晉段匹磾欲擁其衆徙保上谷阻軍都之險以拒末波魏道武伐燕遣將軍

封真等從東道出軍都襲幽州是也亦謂之渾都史記絳侯周勃世家屠渾都是也亦謂之納欵關通典古居庸關在昌平縣西北齊改爲納欵是也自南口而上兩山之間一水流焉而道出其上十五里爲關城跨水築之有南北二門以叅將一人通判一人掌印指揮一人守之又設巡關御史一人往來居庸紫荆二關按視焉城之中有過街塔臨南北大路累石爲臺如譙樓而窾其下以通車馬上有寺名曰泰安正統十二年賜名下窾處刻佛像及經有漢字亦有番字元泰定三年所鑄也葛邏祿廼賢詩序言關北五里有勅建永明寶相寺宮殿甚壯麗三塔跨于通衢車騎皆過其下今蓋亡其二矣又八里爲上關有小城南北二門 昌平山水記



居庸關跨南北而夾兩山水旁崖流徐中山壘石為城

作京師北門特建衛學叅將分守而入達嶺南北咽喉

於是移居庸把總蓋營房以居之 經世摯要

南口門堡城一座上關城一座俱戶 梁二年建 四鎮三

關志

建武十五年徙雁門代郡上谷三郡民置常山居庸關

以東 後漢書光武帝紀

安帝元初五年冬鮮卑入上谷攻居庸關建光元年復

寇居庸 後漢書鮮卑傳

劉虞與官屬北奔居庸 後漢書本傳

公孫瓚攻拔居庸生擒劉虞 後漢書本傳

田疇自選家客二十騎上西關出塞傍北山直趨朔方

二二國志

西關即居庸關 通鑑注

晉惠帝元康四年居庸地裂廣三十六丈長八十四丈

水出 晉書五行志

常景遣府錄事叅軍裴智成發范陽三長之兵以守白

濁都督元譚據居庸下口俄而安州石離冗城斛鹽三

戍兵反結杜維周有眾三萬餘落自松岍赴賊譚勅別

將崔仲哲等截軍都關以待之仲哲戰沒維周又自外

應之腹背之敵譚遂大敗 魏書

則天時侍御史桓彥範受詔于河北斷塞居庸岳嶺五

迴等路以備突厥 舊唐書

張仲武討幽州遣軍吏吳仲舒奏其言幽州糧食皆在



日 七  
媯州及北邊七鎮萬一未能入則據居庸關絕其糧道  
幽州自困矣通鑑

乾寧元年二月河東兵敗燕軍于居庸李匡籌挈其族  
遁去舊唐書

存審從子王駿李匡籌為前鋒破居庸關五代史

幽州西北居庸關又西北石門關關路崖狹一夫可以  
當百此中國控扼契丹之險也隋書

遼神冊二年三月太祖攻幽州節度使周德威以兵拒  
于居庸關之西遼史太祖紀

乾亨間燕京留守司請弛居庸關稅以通山西糴易遼  
史食貨志

保大二年春正月上出居庸關至鴛鴦灤十一月蕭德

妃五表于金求立秦主不許以勁兵守居庸及金兵臨  
關崖石自崩戍卒多壓死不戰而潰遼史天祚帝紀

金天輔六年十二月上伐燕京次居庸關遼統軍都監  
高六等來送款金史太祖紀

粘罕攻居庸關慮居庸難取遂分兵由紫荆口金坡關  
攻易州及出奇取鳳山沿皇太妃嶺以寇昌平縣既至  
昌平則反顧居庸矣于是居庸亦潰金人遂入居庸大  
金國志

金太祖取燕京燔虛火為左翼兵出居庸關大敗遼兵  
遂取居庸蕭妃遁去金史本傳

木華黎攻居庸關壁堅不得入元史本傳

元太祖六年九月拔德興府居庸關守將遁去遮別遂



八關抵中都八年克宣德府遂攻德興府拔之帝進至懷來及金行省元顏綱元帥高琪戰敗之遂至北口金兵保居庸詔可忒薄剌守之契丹訛魯不兒等獻北口遮別遂取居庸與可忒薄剌會元史太祖紀

至元十七年五月辛丑朔命樞密院調兵六百人守居庸南北口元史世祖紀 兵志同

至大四年樞密院奏居庸關古道四十有三軍吏防守之處僅十有三舊置千戶位輕重請置隆鎮萬戶府俾嚴守備制曰可元史仁宗紀

泰定三年五月遣指揮使元都蠻鑄西番咒語於居庸關崖石元史泰定帝紀

致和元年八月乙未調諸衛兵守居庸關及盧兒嶺丁

未撒敦守居庸關九月庚申朔燕鐵木兒督師居庸關

遣撒敦以兵襲上都兵于榆林擊敗之追至懷來而還今岔道西二十五里有榆林堡乙亥上都王禪兵襲破

居庸關將上皆潰燕鐵木兒軍次三河丙子王禪游兵

至大口燕鐵木兒還軍次榆河今昌平州南二十五里榆河店帝出齊化門視師戊寅燕鐵木兒與王禪前軍

戰于榆河敗之追奔至紅橋北又敗之我師據紅橋今

昌平州西南二十五里紅橋村辛巳大戰白浮之野今昌平州東南八里白浮村燕鐵木兒手刃七人於陣敗

之癸未王禪收集散亡復來戰我師列陣白浮之西至

夜撒敦脫脫木兒前後夾攻敗走之追及于昌平北斬首數千級居庸關壘石以為固元史文宗紀



至正十九年子規啼於居庸關 雙臺會稿

三月辛巳樞密副使朶兒只以賊犯順寧命鴉鵲由北

口出迎敵二十四年三月壬寅禿堅鐵木兒兵入居庸

關癸卯知樞密院事也速詹事不剌奚逆戰于皇后店

七月丙戌孛羅帖木兒前鋒軍入居庸關皇太子親率

軍禦于清河也速軍于昌平軍士皆無關志皇太子馳

還都城 元史順帝紀

北口千戶所于上都路龍度州東口置司南口千戶所

于大都路昌平縣居庸關置司 元史百官志

隆鎮衛睿宗在潛邸嘗于居庸關立南北口屯軍徵巡

盜賊各設千戶所至元二十五年以南北口上千戶所

總領之至大四年改千戶所為萬戶府分欽察唐兀貴

赤西域左右阿速諸衛軍三千人并南北口大和嶺舊

監漢軍六百九十三人屯駐東西四十三處立十千戶

所置隆鎮上萬戶府以統之皇慶元年始改為隆鎮衛

親軍都指揮使司延祐二年又以哈兒魯軍千戶所隸

焉至治元年置蒙古禁軍籍 元史兵志

睿宗道中都出北口住夏于官山 元史本傳

劉正分省上都會諸王昔里吉叛至居庸關守者告前

有警急使如退正曰我當進而弗往以至者益怯矣馳

出關 元史本傳

金人恃居庸之塞治鐵二關門布鐵疾藜百餘里守以

精銳札八兒既還報太祖遂進師距關百里不能前召

札入見問計對曰從此而北黑樹林中有間道騎行可



一人臣向嘗過之若勒兵銜枚以出終夕可至太祖乃令札八兒輕騎前導自暮入谷黎明諸軍已在平地疾趨南口金鼓之聲若自天下金人猶睡未知也比驚起已莫能支關既破中都大震元史別傳金人起遼東顧西拔大同由居庸入遼人起遼左亦由宣大入于居庸元人起和林於開平甚邇亦不由古北諸路乃南取宣大由紫荆入而南攻居庸破之全邊畧記

靖難兵起燕王曰居庸關路狹而險北平之咽喉也百人守之萬夫莫窺必據此乃無北顧憂永樂二年置衛頭千戶所五以為京師北面之固方輿紀要宣德三年八月命行在工部侍郎許廓修居庸關城及

水門宣宗實錄

景泰六年六月修居庸關城畢工命工部造碑翰林院撰文刻置關上英宗實錄

成化七年三月兵科給事中秦崇上言居庸等關朝廷之北門東抵山海西抵雁門山勢雖曰斗峻而可通行之路亦多所司因循怠惰礮木砲石軍器類不具備夫富家亦豈築墻垣以防寇盜况國都藩籬而可廢弛乎上勅巡關御史修治憲宗實錄

高適奉使入居庸作匹馬行將夕征途去轉難不知邊地別祇訝客衣單溪冷泉聲苦山空木葉乾莫言關塞極雨雪尚漫漫高常侍集

宇文虛中過居庸關詩奔峭從天坻懸流赴壑清路



迴穿石細崖裂與藤爭花已從南發人今又北行節  
旄都落盡奔走媿平生

中州集

蔡珪出居庸作亂石坊車轂深沙困馬蹄天分斗南  
北人間日東西側柴荆短平頭土舍低山花兩三  
樹笑殺武陵溪

同上

劉迎南口作危峯張昇幃峻壁開戶牖崩騰來陣馬  
翔舞下靈鷲秀色分後前晴嵐迷左右重陰忽障翳  
虛籟競呼吼深紆愛風日高亢捫星斗帝居望北闕  
村落當南口軍如漢時縣遺跡奄存否中郎讀書處  
亭構想摧朽誰云用武地經訓乃淵敷我家膠東湄  
樸學嘆白首居隣通德里况此見師友慙無書帶草  
采采爲盈手何以醉先生清溪綠如酒

山林長語

郝經居庸行驚風吹沙暮天黃死焰燦日橫天狼嶺  
巉鐵穴六十里塞口一噴來冰霜導騎局脊衝尾前  
羶車纏轆半側箱彈箏峽道水復凍居庸關頭是羊  
腸橫拉恒代西太行倒卷渤海東扶桑幽都郤在南  
口南截斷北陸萬古強當時金源帝中華建旆形勢  
歸八方誰知末年亂紀綱不使崇慶如明昌陰山火  
起飛螫龍背負斗極開洪荒且將尺箠定天下匹馬  
到處皆吾疆百千一債老虎走室怒市危還猖狂遽  
令逆血灑玉殿六宮飲泣無天王清夷門折黑風吼  
賊臣一夜掣鎖降北王淀裏骨成山官軍城上不敢  
望更獻監牧四十萬舉國南渡尤倉皇中原無人不  
足取高歌曳落歸帝鄉但留一旅時往來不過數歲



終滅亡潼關不守國無民便作龜茲能久長汴梁無  
用築子城試看昌州三道墻陵川集

馬祖常度居庸關詩飛鞚陟雲巘決背盡圖畫天氣  
吹高寒山雨洒長夏冥冥白鳥去寂寂松子下陸行  
石當塗水春泉繞舍高與蜀道齊深乃盤谷亞筇輿  
約重來羸馬苦常跨朋從詠連疊酬應給閒暇得見  
王子喬吾將騫鶴駕石川集

陳孚居庸關詩車稜稜石礪礪車聲彭彭鬪石角馬  
蹄蹴石石欲落不知何年鬼斧鑿僅與青天通一握  
上有藤束萬仞之崖下有泉歎千丈之壑太行羊腸  
蜀劍閣身熱頭痛懸度索一夫當關萬夫卻未必有  
此奇巖嶒吾皇神聖混地絡烽火不紅停夜柝但有

地險今猶昨我扶瘦筇立倦腳欲扣往事雲漠漠平  
沙風起鳴凍雀觀光集

又居庸疊翠詩斷崖萬仞如削鐵鳥飛不度山石裂  
峩峩老樹無碧柯六月太陰飛急雪寒沙茫茫出關  
道駱駝夜吼黃雲老征鴻一聲起長空風吹草低山  
月小同上

元明善過居庸詩一山萬里限中原神鑿居庸百二  
川峰勢陡回愁障日地形高出欲捫天風沙漠漠龍  
庭遠雲物沉沉鳥道穿眼底興亡誰解寫石琴秋水  
學水絃清河集

貢奎居庸關詩居庸關高五十里壁立兩崖雄對峙  
迴峰作勢遮欲斷百曲盤旋如磨蟻陰風白晝吹颺



颶亂石當蹊泉嚙齒道狹纔通車一兩貫尾鈎連行  
不止我從北來識此險巫峽鑿天差可擬但願平生  
足游覽何用藏書巖穴裏馬鳴關度日未斜黃鵠遠  
趨征雲起安得有酒令我歌如城之愁今已矣

雲林集

揭傒斯居庸行昔望居庸南今出居庸北巖巒爭吞  
吐風水清且激逶迤數千里曲折殊未息關門西向  
當天開馬如流水車如雷荒雞一鳴關吏起列宿榛  
淡雲徘徊山盤盤石圍圍狀如龍勢如虎龍怒欲騰  
虎欲舞太行劍戟猶如許昔不容單車今馬列十五  
聖人有道關門開關門開千萬古

秋宜集

薩都刺至順癸酉過居庸關詩居庸關山蒼蒼關南

暑多關北涼天門曉開虎豹臥石鼓晝擊雲雷張關  
門鑄鐵半空倚古來幾度壯士死草根白骨棄不收  
冷雨陰風泣山鬼道傍老翁八十餘短衣白髮扶犁  
鉏路人立馬問前事猶能歷歷言丘墟夜來鋤豆得  
戈鐵雨蝕風吹失顏色鐵腥惟帶土花青猶是將軍  
戰時血前年人復鐵作門貔貅萬竈如雲屯生存有  
功掛玉印死者誰復招孤魂居庸關何崢嶸上天何  
不呼六丁驅之海外休甲兵男耕女織天下平千古  
萬古無戰爭

薩天錫詩集

黃潛居庸關詩連山東北趨中斷忽如鑿萬古爭一  
門天險不可薄聖人大無外善閉非槌鎗車行已方  
軌關吏徒擊柝居民動成市廬井互聯絡幽龕白雲



聚石磴清泉落地雖臨要衝俗乃近淳朴政須記桃源不必銘僉閣僕夫跼謂我無爲久淹泊山川豈不好但恐風雨惡

黃文獻公集

柳貫度居庸關作居庸朔方塞始入兩崖張行行轉石角細路縈澗岡層壑倒天影半林漏晨光崎嶇里四十所歷萬羊腸千轅絡前後兩軌通中央谷開稍巨曠在險獲康莊豈惟遂生聚列屢叅雁行微流或磯磴架广亦僧坊我生山水窟愛此不能忘是日新雨歇浮嵐亂沾裳水聲與石關風飄韻清商踟躕不知高浮雲巽超驤考牒曩有聞經途今始詳緬惟古塞北入州猶漢疆控扼識形勢會同知樂康屬茲景運開六服連綏荒兩京備巡幸離宮岌相望守岳時

考制如初匪求祥式瞻龍德中足徵王業昌請繼王會圖勿廢祈招章

柳文肅公集

周伯琦入居庸關作出關復入關五見月上弦草木雖未霜寒風已凄然屢路何縈紆叠嶂橫中天上有多太古石下有無底泉幽致良足嘉萬雷奈宣闐馴象寶轡鳴紫駝錦幪鮮鐵騎簇雲隊黃屋循星躔時巡謚風俗執法恭後先達官國同體拔宅如升仙細民終歲勞輪轉日憂煎苦樂殊雲泥使我中心悃偶經巖谷勝復憶江湖孺憑高望白雲楚天浩無邊王師未休息敢賦歸來篇

近光集

吳師道居庸關詩神京望西北連山鬱崔嵬百里達關下兩崖忽中開  
外扉逝掩映磴道隨縈迴豈知古



塞祇似越與台  
八閩彈琴峽澗響逾清哀  
行行及遠秋風漲黃埃  
翠華屈榆林丞相前  
驅來疾還憚迫險  
顧瞻復徘徊惟天設  
限蔽萬古何雄哉  
無迹思往代鍵鑰  
每自摧皇衢坦蕩  
蕩來往無驚猜  
輶車正聯絡怒轍  
奔春雷前趨見行  
殿遙峙積雪堆  
騰凌萬馬騎暮繞  
龍虎臺愚生一何  
幸獲忝儒臣陪  
憑高未成賦瑣瑣  
嗟微才

吳禮部集

王士熙竹枝詞居庸山前澗水多白  
俞林下石坡隨後來纔度槍杆嶺  
前車昨日到灤河宮裝腰裊錦障  
泥百輛輿車一字齊夜宿巖前  
覓泉水林中還有子規啼

皇元風雅

薛元卿大駕度居庸關作居庸雜據萬重山  
南北門

分作漢關鼓川動時森虎衛旌旗  
行處識龍顏神宮路轉風烟合  
御苑春深草樹閒待得長楊圍獵罷  
又隨車騎此中還

文翰類選

釋梵琦居庸關詩天畔浮雲雲外峰  
北遊奇險見居庸力排劍戟三千  
士門掩山河百二重渠谷自今收  
戰馬兜鈴無復置邊烽上都避暑  
頻來往魚鳥猶能識袞龍

北遊集

李繼本過居庸作歲暮候風淒淒  
中行客胡不歸一車南一車北  
南來北去何時息車行欲近關上  
頭鞭牛不前吁可愁須臾摧挽在  
平地車中兒女歡且謳  
襖褊蕭蕭風雪裏山徑荒寒多  
虎兇呼兒取火供曉炊瓦鑊黍  
米

沙黃昏露宿官道傍茅店雞鳴

卷三十七

六



載行李殷勤起謝車中人萬嶺千山多苦辛殿風吹  
雪皮欲裂一身只有筋骨存安得筋骨化為山下土  
填卻千山萬山無險阻長使行人免愁苦昌平舊志  
胡儼望居庸詞望京都今穹窿雄關峙分居庸蒼翠  
兮蒙茸紛苒苒兮凌風城巍巍兮兩山臨玉塞兮高  
寒車麟麟兮結駟風蕭蕭兮木葉殷淙懸崖兮珊珊  
恍鳴琴兮清彈聞仙人兮昔降遺玉枕兮不刊皇風  
暢兮八極見埃火兮滅熄歌四海兮寧一胡祭文  
王英居庸關詩千峰高處起層城空裏岩嵒積翠明  
雲靜芙蓉開霽色天晴鼓角散秋聲北連紫塞烽烟  
斷南接金臺驛路平此地由來稱設險萬年形勢壯  
神京泉坡集

鄭瑛居庸關徐將軍席上作關入居庸險城臨北斗  
懸龍琴調宴飛虎帳集群賢爽氣來山雨秋聲漱峽  
泉醉餘望雙闕遙倚五雲邊詩庵集

袁忠徹出居庸關作居庸之關何壯哉懸厓峭壁高  
崔嵬乃知造化鍾神秀翠削芙蓉下際開是時鑿輿  
北巡狩百萬貔貅度關口旌旗翻風曉日寒千官扈  
蹕森前後此關自昔能摧車十步九折羊腸紆登危  
歷險足躑躅以手撫膺長歎吁回首群峰列其下怪  
石巖崑如立馬蒼蚪偃寒老松盤銀漢砢砢碎飛瀑瀉  
凜然霜氣侵骨毛五月堅冰猶未消星辰咫尺疑可  
摘耳邊靈籟聞嘈嘈漫傳天設分南北四海當今同  
轍迹草木均沾雨露恩環護黃圖永無極袁尙寶集



張寧居庸感事詩羽書昨夜報居庸百萬雄師下九重  
重天子垂衣臨大漠群臣端笏扈元戎禁中已乏回  
天策關外誰成闢地功千古澶淵扶日馭令人常憶  
寇萊公 方洲集

許天錫居庸關詩天設居庸險乾坤此北門山川通  
上郡形勢冠中原鐵騎連三戌金城迫九關萬方資  
阨塞永荷太平恩 許黃門集

邊貢居庸二首塞口重關愜素聞壑烟嵐雨鎮網緼  
壁吞巨海山形斷秀壁中原地脈分鎖鑰還思寇丞  
相長城不用李將軍倚牕時送東南目雙闕蓬萊五  
色雲山雲冉冉石垂垂公暇焚香晚對宜窺牖亂峰  
青似此古城孤澗白於絲人家高下綠溪兒風氣寒

增入塞知憑語抱關休偃仰雲中日夜羽書馳 華泉集

李夢陽詩天設居庸百二關祁連更隔萬重山不知  
誰放呼延入昨日楊河大戟還 空同集

熊卓居庸館中作隘地關門擁山樓鼓角傳長風吹  
不歇塞草自年年又出居庸關作沙上望行人日暮  
愁心絕江南四時春邊地五月雪 東溪集

王謳登居庸上關詩盤石仍高處微茫鳥道分花齊  
春暈日山遠谷吞雲草宿除猶蔓鶯遷去更聞不能  
離世爭直欲醉朝暉 彭衙集

李默右庸關詩山堂石壑轉嵯岬鐵障稜稜勢欲叉  
細柳半屯三輔甲材官盡出王家重城月閉邊聲



黠間道林歸獵騎譁多少雄圖總理滅戰場空倚夕陽斜

羣玉樓藁

周金居庸關和元陳剛中韻亂石懸崖色如鐵西風吹裳裳欲裂側身北望涕沾襟回首蕭騷鬢成雪駑駘伏櫪何足道李廣馮唐一時老山空木落不見人惟有中庭月輪小

上谷藁

下俱中望居庸關詩設險真誇六郡雄天山九塞有居庸陁連白馬懸邊月塞壓黃花起朔風未有捷書傳大內尚聞獵火照雲中北平飛將今誰是已見東

寺杪袖空

遵巖集

李宗樞度居庸關詩峻壁含雲迴飛湍接澗迴虛聞三峽險疑是五丁開地樹分天宇驚沙暗戍臺祗慚

持節使不是棄繻來

明詩統

蘇祐過居庸門詩北門天險設居庸嫋嫋千旌疊翠  
中口轉雙泉猶望關嶺盤入達已臨戎霜清戍逼黃  
花鎮日近雲浮紫極宮聖代車書真混一寄言諸將  
漫論功

穀原集

劉侃居庸晚眺詩別館峇峩一注顏天空木葉繞重  
關千峰嵐氣青霄上九折泉聲翠壁間瀚海旌旗無  
日罷王門車馬幾人還皇州咫尺浮雲隔明發崢嶸  
何處攀

新陽館集

應雲鸞入居庸詩百二真天府乾坤別一家雙泉縈  
鳳關疊翠枕龍沙戍鼓遙空出人烟兩岸斜請纓誰  
氏子搔首惜年華

明詩統



徐渭居庸關詩少年曾負請纓雄轉眼青袍萬事空  
今日獨餘霜鬢在一肩輒坐度居庸 徐文長集

公龍居庸關詩太行來萬里天險冷陁西銀海圖弓  
劍金城列鼓鞞近關烟火盛絕幕寒塵低想像犁庭  
日憂時意轉迷 問次齋稿

馮琦詩五年不出居庸道今日重來感舊遊紫氣遙  
瞻龍虎地青山近接鳳凰樓平臨星斗三千丈下瞰  
燕雲十六州但使此關長鎮靜不煩仗策取封侯 北海集

陳子龍詩險到居庸地脉分何須長戍羽林軍關門  
夜也千峰月陵墓春生五色雲 維真館稿

居庸關銘居庸關在幽州之北最爲深阻號天

下西塞之一大山中斷兩巖峽東石路盤腸縈帶隙  
罅南曰南口北曰北口滴瀝濺漫常爲冰霰得濕濡  
灑側輪躡足殆六十里石穴及出北口則左轉上谷  
之右並長嶺而西陰烟枯沙遺鏃朽骨悽風慘日自  
爲一天中原能守則爲陽國北門中原失守則爲陰  
國南門故自漢唐遼金以來嘗宿重兵以謹管中  
統元年皇帝卽位于開平則駐蹕之南門又將定都  
于燕都則京師之北門而屯壁荒圯恐起狡焉故作  
銘畀燕京道宣慰府使勒石關上且表請置兵以爲  
設險守國之戒云銘曰國宅天都高寒之區居庸其  
樞兮遼右古北陰幽沙磧控帶扼狐兮山連嶺重鍵  
閑深雄巍巍帝居兮伊昔禦鎖金源敗破遂爲坦途



今函谷一夫百萬為魚竟執哥舒兮思啓封疆備不  
可忘禍生不慮兮寇不可玩機不可緩實惟永圖兮  
天險地險莫如人險兵力相須兮列銘巖岫用告僕  
夫當戒覆車兮 陵川集

劉定之居唐 且 鉅帝承天命朔野是都坤奠其軸乾  
屹其樞長城為帶自天繚繞中聳雄關洞城裏表鐵  
壁蛤呀玉峽嚆噓俯壓博厚仰轟層霄冠以雉堞守  
以虎旅屏翰 且 吞攘 且 龍旗北伐鼓行其中如  
雷之震以出太空 且 南來欵塞其下如蟻叩關以  
干天赦昔秦興役庸徒乃居宋失其防 且 長駟曷  
若皇明天所綏顧不剝而因不嚴而固一夫當之萬  
夫莫前一世開之萬世其傳攬翠為書磨崖作碣勒

此銘章以貽無

吳齋集

居庸路東白門家谷口西至糜子谷口延袤一百五十  
里南至關北至永寧城隘口二十灰嶺下隘口十門家  
谷口灰嶺口賢莊口錐石口雁門口德勝口虎谷口雙  
泉口養馬谷西山口 俱嘉靖十五年建 邊城二十六里  
附牆臺七座八達嶺下隘口七石佛寺口青龍橋東口  
王瓜谷 俱永樂年建 八達嶺口 弘治年建 黑豆谷化木  
梁子家衝 俱永樂年建 邊城二十四里半附牆臺四座  
空心敵臺四十三座石峽谷下隘口三花家窰石峽谷  
口糜子谷口 俱永樂年建 邊城一十六里附牆臺十座  
空心敵臺二十五座 四鎮三關志  
由棗園若至居庸路界水嶺三里門家谷口山勢重



疊然通白龍潭路來騎極衝又三里至灰嶺口內外寬  
浸極衝又三里至賢莊口本日路隘通永寧南山塔兒  
來騎次衝又七里至錐石口兩山險峻林下稠密中有  
河外通塔兒谷衝又五里至雁門口外險內平又五里  
至德勝口山勢高險中有大河外通大小紅山衝又九  
里至虎谷口外險內平不通騎緩又五里至養馬谷在  
南口門緩川草花頂山勢內外高險人馬難行三里至  
石佛寺口正口兩山壁立中通溝路難行又三里至青  
龍橋東口山勢內平外險又三里至黃瓜谷口亦內平  
外險又三里至八達嶺內外平漫爲宣大咽喉極衝又  
三里至黑豆谷內外平漫威靖墩至衝谷墩通衆騎餘  
通騎衝又三里至化木梁內險外平人馬可行又二里

至于家衝正城迤東一空通單騎迤西青石頂墩通于  
家溝俱通衆騎衝餘通步緩青石頂山勢外平內險三  
里至花家窰內外高險龍芽菜溝通單騎城東頭至西  
頭水口平漫通衆騎極衝又二里至石峽口城東至石  
崖子口又二山墩至鎮鹵墩俱通單騎衝又三里至糜  
子谷正關水口并鎮西墩至南山墩通陳家墳俱平漫  
通衆騎極衝餘通步緩

三城邊務總要

經畧邊關右副都御史李瓚以居庸關西路灰嶺口上  
常峪地方外接懷來所轄隘口計一十二處經寇出沒  
請添設城堡以控險要乃築灰嶺口城六百八十丈有  
奇上常峪城減十之五各立樓櫓舖舍於正德十六年  
五月訖工議名灰嶺日日鎮邊城上常峪日常峪城調



別堡軍士屯守灰嶺口千人上常峪三百人改設守禦千戶所及倉場官吏兵部覆奏從之

世宗實錄

邊貢入錐石口四首濯足秋澗水水寒清見沙凌兢不可渡碎石如狼牙童子欣暮晴笑指東風霞穿林復渡河佳興未能盡每當路窮處更着祠官引山女何處來石上洗秋菊西登錐石口鳥道不盈尺連山樹如繡雲中日將夕不聞樵采音但見虎行跡睥睨接崇嶺白處生浮嵐上有百尺厓下有千尺潭爾非

參龍子那敢窮幽探

華泉集

上關七里至彈琴峽上有佛閣又七里爲青龍橋道東有小堡又三里至八達嶺有城南北二門元人所謂北口也以守備一人守之自八達嶺下視居庸若建瓴若

關井故昔人謂居庸之險不在關城而在八達嶺而岔道又八達嶺之藩籬元人于北口設兵洵得地形之便者

昌平山水記

八達嶺城一座弘治十八年建

四鎮三關志

昌鎮疆宇巨員不踰五百里而居庸關突據其中蓋未有郡邑之先已設險于外戶矣然八達嶺去關北三十里墉堦漸崇驅馬而南勢若建瓴故先年經畧大臣規城置守于此誠得扼險之要樞哉

同上

劉迎過八達嶺詩山險路已出彌望盡荒坡風度日已殊氣象惟沙隨我老倦行役驅車此經過時節春已夏土寒地無禾行路不肯留奈此居人何

山林長話



居庸關有彈琴峽水流石罅聲若調琴獅山掌錄

吳擴過彈琴峽詩懸厓峭壁磴千盤峽裏天光一綫

看繞澗琴聲聽不盡分明流水曲中彈貞素堂集

居庸關內道旁一大石其形似枕俗呼仙人枕長安客話

橫嶺路東自軟棗頂西至挂枝庵延袤一百三十里南

至居庸關北至懷來城隘口三十有九白至口下隘口

八軟棗頂永樂年建石板衝牛臘溝俱嘉靖二十

建西山安永樂年建桑木頂嘉靖二十三年建東黃鹿

院秋樹窪西黃鹿院俱嘉靖四十四年建邊城一十一

里附墻臺三座空心敵臺一十九座長谷城下隘口七

茶芽駝沙嶺兒窟窪山鏡兒谷分水嶺銀洞梁俱永樂

年建

輜子頂嘉靖二十五年建邊城一十五里附墻臺

一座空心敵臺二十三座橫嶺下隘口一十四黃石岸

東涼水泉西涼水泉火石嶺寺兒梁東核桃衝西核桃

衝大石溝陡嶺口鶯窩坨小山口姜家梁倒翻衝廟兒

梁邊城三十一里附墻臺三座空心敵臺二十八座鎮

邊城下隘口十柳樹窪永樂年建黑衝谷車頭溝尖山

頂北唐兒庵南唐兒庵水門松樹頂秋樹窪俱嘉靖三

十年建

挂枝木嘉靖三十八年建邊城二十一里附墻

臺五座空心敵臺三十二座四鎮三關志

由糜子谷口六里至軟棗頂正關東北山勢險峻止通

單騎口外平溝內薄梁極衝又三里至牛臘溝內外山

峻牽馬可上又二里至桑木頂外梁平內山險可通單

日下舊聞



騎又一里至黃鹿院山梁高險牽馬可上又四里至茶  
芽坨西界內外山峻牽馬可上又二里至沙兒嶺可通  
人馬次衝又二里半至窟窿山正關外平溝有山梁可  
通大舉又二里至鏡兒谷山峻牽馬可上又二里至分  
水嶺內外平漫可通大舉極衝又二里至銀洞梁內險  
外平次衝又二里至橋子頂西黃石崖通單騎衝又一  
里半至東涼水泉山梁平漫通騎次衝又一里至西涼  
水泉山薄梁平可行人馬極衝又一里半至火石嶺門  
外溝平潤通大舉極衝又二里至寺兒梁山稍峻通單  
騎又一里至東核桃衝山梁可通步騎次衝又一里至  
西核桃衝山勢平漫通騎次衝又二里至大石溝水口  
內平外漫通大舉極衝又一里半至陡嶺兒外險內漫

通步又二里至鶯窩坨外懸厓內山高峻緩又一里半  
至小山口山險牽馬可上又二里至姜家梁山險通單  
騎次衝又二里至倒翻衝有水口內外平漫通大舉  
衝又五里至廟兒梁西柳樹窪界內外平漫極衝又六  
里至黑衝谷平漫通騎極衝又三里至車頭溝外平內  
險通單騎次衝又二里至北唐兒庵有水口內外平漫  
可通大舉又二里至南唐兒庵外險內平牽馬可行又  
四里至松樹頂山險僅通步緩又四里至挂枝庵迤西  
係邊尾俱重山疊障不通步騎

三鎮邊務總要

白羊口距州西四十里距居庸南二十里有水伏流  
元史白羊口千戶所於昌平縣東口置司景泰元年調  
涿鹿中衛後千戶所官軍守禦後以守備一人守之其



西南有小城曰白羊新城

白羊口堡一座景泰元年建城有白羊口倉

四鎮三關志

橫嶺之東有口曰白羊其直南則沿河口外遠懷來城

其直西則馬水口北通舊保安烟麓陀菴是馬水口勝

處長安客話

白羊城正統九年也先由此入犯弘治十一年火節自

大同深入分遣大臣守居庸白羊諸關暨正德十一年

寇入白羊口嘉靖二十九年寇犯京師欲奪白羊口北

出不果蓋南北衝要處也方輿紀要

曰羊北四十里為長谷城二門其西有小城曰長谷新

城昌平山水記

長谷城一座正德十五年建四鎮三關志

嘉靖二年正月詔募兵三百人守居庸關常谷城從御

史李儼請也世宗實錄

長谷北二十里為橫嶺城二門守備一人守之昌平山水記

橫嶺城一座弘治十八年建城有橫嶺倉四鎮三關志

橫嶺城與長谷城逼近然橫嶺尤孤懸外界山高泉涸

軍士苦之長安客話

橫嶺口亦名龍嶺口守禦要地也嘉靖中俺荅自古北

口入犯從橫嶺逸出七曲九要

曹代蕭詩軍馳戰壘巖前馬僧撞招提嶺上鑿白水

清泉三百尺阜旗赤羽四千重長安客話



長谷西北二十里爲鎮邊城三門正德中建設守禦千戶所後以叅將一人守之

昌平山水記

城有鎮邊倉

四鎮三關志

鎮邊城居人僅可百數地寒不能種穀下畜勞羸不甘兵雜其間浚滑難治西十里有堠曰屯所有據大山下視懷來足爲天險

薊丘集

京城口九十里昌平州東北九十里黃花鎮自鎮歷白馬陳家弔馬等峪關口四十八而古北口又一十四關口至義岩寨中歷黃松峪將軍石凡五口而薊州東岸峪自關以東歷寬峪等關凡十口而遵化縣之馬蘭峪乃歷沙皮羅文松青龍井兒潘家口團亭寨關口三十一而喜峰口又七十里而遷安縣之青山口又十二

口而冷口又三口而劉家口又四口而盧龍縣之桃林口又四口而昌黎縣之界嶺箭桿等六口而撫寧縣之義院口又石門等五口而董家口歷大毛山小青山等十四而山海關

圖書編

日下舊聞卷三十七終

字



日下舊聞卷三十七

十四年山志

又曰

又曰

日下舊聞卷三十七補遺

邊障下

李夢陽黃花鎮詩往年趨北路今遶秦陵西晝黑垂

蘿密山青禁木齊獨僧攀松出恠鳥遶陰啼寂寞黃

花堞遙臨古塞溪空同集

太行首始河內自河內至幽州凡有八陁述征記

居庸亦曰冷陁陁又作礪新唐書孫佺為州都督率

兵十二萬討奚李大酺分三屯以副將李楷洛周以憐

領之次冷礪楷洛與大酺戰不勝是也稼堂雜抄

居庸關北五里勅建永明寶相寺宮殿甚壯麗三塔跨

于通衢車騎皆過其下金臺集

張欽字敬之通州右衛人官貴州道監察御史奉勅巡

日下舊聞

卷三十七補遺



視居庸關時武廟欲出關北狩乘輿已迫關矣欽閉關  
三勒疏堅請回鑾武廟乃止 分省人物考

葛邏祿迺賢居庸關詩疊嶂綠青冥峭絕兩崖束盤  
盤龍虎踞岑巘互迴伏重關設天險王氣奠坤軸皇  
靈廣覆被四海同軌躅至今豪俠人危眺屢驚躡崎  
嶇棧閣峻縈紆岡澗曲環村列墟市鑿翠構廬屋溪  
春激巖溜山田雜稌菽絕頂得幽勝人烟稍連屬浮  
圖壓廣路臺殿出層麓白雲隱疎鐘落日帶喬木豈  
須歎蜀道政可誇函谷居人遠念我叩馬苦留宿恐  
辜殷勤情解鞍香山瀑 金臺集

皇市坊居庸關詩山城落日照居庸抗嶺迴巒紫翠  
重十月邊陲塵不起萬年凌寢霧常封 皇市司勛集

居庸關銘兩崖亘地設險自天直北以控千仞  
截然外限朔漠內壯中原守以虎士一夫當千千城  
禦侮夜燠不然一統聖化於萬斯年 畏菴集

居庸重鎮時平爲上谷之襟喉事亟真北門之鎖鑰不  
惟雄臨朔漠抑且險類嶠函關西各隘自晏磨峪口起  
至紫荆關沿河口止共二十七處具係山前隘口自火  
山口起至合河口止利兼懷來各隘共九處俱係山後  
隘口前後相距遠近不同或七八十里或四五十里山  
川錯雜路徑紆迴向以林密地險寇不得騁近年樵采  
林木漸疎往來無所阻矣 東田集

居庸關外抵宣府驛遞官皆百戶爲之以其地無府州  
縣故也 救國雜記



八陁一軹關陁二太行陁三白陁四滄口陁五井陁六  
飛狐陁七蒲陰陁八軍都陁 述征記

袁桷居庸關詩太行領羣山萬馬高下拜平巒轉城  
隍隱隱南北界危坡互交牙寒溜瀉泮泮陰風湧元  
蚪巨石忽崩壞周遭青松根下有古木砦石皮散青  
銅云是舊戰鎧天險不足憑豈劫有成敗驅車上林  
杪出日浴光怪肅肅空巖秋天風迅行邁 清容居士  
集

又次韻王繼學途中竹枝詞居庸夾山僧屋多鑿石  
化作金彌陀但看行車度流水不見舉拂談懸河 同

又雨中度南口詩山寒絕禽鳥獨聞子規啼石壁飛

驟衆木搖淒淒瘦馬蹴亂石高下嚙其蹄 同  
如深漸覺所歷低暝色起亭午土屋流寒泥須臾過  
雷聲倏忽生晴霓水清亦可渡戒僕踰前谿 同上

又重午日宿南口小店作寒雨鳴石峽蕭蕭五月秋  
道逢采藥人不識葵藿榴氣清諧令節暑溽想南州  
涼颼不末來動色思重裘猶持一尊酒慰彼湘纍愁  
同上

又彈琴峽詩泉飛玉峽誰彈使成聲下有戰士骨  
嗚咽水中鳴絲石本異調摩戛生虜成鑿跡匪神禹  
佳兵構秦嬴駐馬爲聽之逝者何不平虛牝納新雨  
急促濁復清 華初省方自神靜相迎爲作薰風絃  
散彼巖下情 同上



居庸關過街塔成歐陽元功奉勅撰碑賜白金五十兩  
說學集

居庸關國名查刺合攀

金史

正德丁丑秋七月上微行欲度居庸關幸上谷雲中御  
史張欽極言諫阻疏凡三上至八月朔忽報駕至昌平  
卽欲過關是日欽令分守指揮孫璽閉關南門太監李  
嵩欲赴昌平候駕欽止之曰今日之事有死而已可擅  
離職守乎俄千戶閻岳至南門傳旨欽捧璽書并監察  
御史印至門固守收其扇鑰手自持之誓曰有奪門者  
御史當手刃之岳不得入還報上壯其節回鑿獵昌平  
而還

名臣應謚錄

王瓊張侍御閉關三疏圖記閉關三疏者正德丁丑

秋七月武宗欲行欲過居庸關遊上谷雲中而監察  
御史張君欽閉關不納疏凡三上也其第一疏曰臣  
聞明主不惡切直之言以納忠烈士不憚死匹之誅  
以極諫臣風聞人言陛下欲過居庸關游幸宣大等  
處今甘肅有土魯番之患江右迫畚賊之擾淮南有  
漕運之難巴蜀有採辦之苦京畿夏麥少收秋潦爲  
沴陛下不是之憂而欲長驅居庸觀兵上谷臣竊爲  
陛下危之其第二疏曰上有卿輔之臣下至耳目之  
官皆不避誅死苦諫陛下不可出關未蒙俞旨臣愚  
以爲不可出者有三人心動搖供億繁苦一不可也  
遠涉險阻兩宮掛慮二不可也塞俗強梁輕身挺出  
往與之角三不可也去事慎於初則易悔于終則難



英宗決于過關竟以北狩由不聽人言也後雖痛悔無及于事臣奉勅巡關分當効死即加斧鉞之誅亦不敢避其第三疏曰八月初一日忽有人報聖駕已到昌平州即欲過關臣聞天子舉動所繫匪小或欲親征必先有詔下廷臣會議某日出師明告中外羣臣扈從而後啟行今傳言聖駕過關各義未正虛實難信臣雖萬死不敢放也

張侍御閉關圖記

昆田謹按侍御本姓李辰其母姓也正德辛未進士由行人擢御史巡視居青諸關歷官工部右侍郎卒葬州城南黃泥溝曲周王尚一鄂序三疏刊行稱其無尺寸之業貽子清德尤不易及也

自山海關而西薊鎮領之邊城凡一千四百七十四里城堡七十一座附牆臺一百四十六座敵臺一千九十五座主兵七萬三千五百六十二名客兵五萬七千五百七十三名自居庸關而東昌鎮領之邊城凡二百八十二里城堡一十三座附牆臺三十九座敵臺二百三十七座主兵一萬七千七百四十四名客兵一萬三千一百七十九名明之邊防固矣其後季自成取徑居庸如入無人之境始信設險之不足恃也

籌記

居庸關世傳始皇北築時居庸徒於此故名兩山巉絕中若鐵峽控扼南北實為古今巨防

中堂事記

自北口小店踰灰嶺試桃花峪溫湯山間殊有奇觀石為盤渦如碧玉盆者非一壽藤灌木交蔭左右其水泉



蓋潞河之上源也

中堂事

王惲九日迎鑾北口和寅甫學士韻翠華南下拂雲  
霓駐蹕軍都漢苑西龍虎臺高驚峻絕蓬瀛人老許  
扶携九天日月瞻光近萬國風烟入望低佳節迎鑾  
得清賞牛山初不羨東齊

秋澗集

又居庸懷古木蘭花慢詞壯巉岩鐵峽誰設險劈蒼  
岑擁萬里風烟一拴橫鎖形勝雄沉□□□□□  
憶當年叱馭走駸駸半夜郵亭索酒平明燕市長吟  
追思往事不堪尋山色古猶今甚三十年來青雲垂  
翅素髮鬢簪投閒卻教應聘嘆委身從事老難任立  
遍西風殘照山光翠滿疎林

同上

中統二年冬十一月大駕北狩駐魚兒泊詔平章增

察公以虎符發兵于燕既集取道居庸合圍于湯山之  
東遂飛豹取獸獲焉

同上

王惲飛豹行二年幽陵閱丘甲詔遣謀臣連夜發春  
蒐秋獮是尋常况復軍容從獵法一聲畫鼓肅霜威  
千騎平岡捲晴雪長圍漸合湯山東兩翼閃閃牙旗  
紅飛鷹走犬漢人事以豹取獸何其雄馬蹄蹴麋歛  
左興赤縑散鏃驚龍驕錦雲一縱飛塵起三軍耳後  
秋風生豹雖逸才不自惜雨血風毛摧大敵風烟慘  
愴晚歸來思君更上單于臺血埋萬甲戰方鎖爪牙  
正籍方剛才古人以鹿喻天下得失中間係真假元  
戎茲獵似開先我作車攻補周雅

同上

昌平設有總兵東歷東山口迄黃花鎮西歷南山口迄



鎮邊城若左右翼之衛腹心然陵後柳溝南控長陵北枕獨石東歷四海冶西心岔道又若左右腋之擎後背然向設南山兩協一住柳溝一住榆林布置頗密惟是兩協勢不相下恐畫地自委今議改協爲鎮總兵仍住柳溝中調度改東協爲左翼住四海冶以防陵東與黃花鎮策應改右協爲右翼仍住榆林以防陵西與鎮邊城策應有警則宣鎮總兵堵禦外邊陵後總兵防守內邊又與陵前總兵聯絡于東西紅山各口天壽宛在中央若泰山而四維之矣

保邦十策

居庸南口關夾澗而城左右可三四十步行十五里峯回路轉有城翼然而立者實爲居庸地勢較廣而險倍之又十里則居庸北關再上二十五里至八達嶺蓋由

南口至是凡五十里巖巒複合兩崖如削足下石如馬如象軌不可方轡不可合而入達嶺之城既險且堅北至驢兒坨抄陵寢而接灰嶺口南至靖邊城歷沿河諸口而接紫荆所謂一夫當關萬夫莫前者也偵宣鎮記余與爲北平衛指揮使與謝貴密謀不遂貴死瑱走保居庸關文皇曰居庸北平之咽喉瑱若據此則拊吾背宜急取之緩則增兵繕守後難圖矣遂專力擊瑱瑱且戰且守援兵不至棄關走懷來力盡被執不屈死忠節錄

孫緒居庸關詩一徑中開萬嶺橫居民無地問農耕  
霜頂落葉晚山綠雨濤荒苔秋水清沙鳥遠從天外  
度寒蛩也向夜分鳴峯巒徙倚休回首何處孤雲是



故城 沙溪集

劉秉忠過居庸關詩車箱來往若流泉絕壁巖崑倚  
翠烟限破中州四十里鑿開大路幾千年函關不謂  
平如地蜀道無如險似天萬里揮鞭猶咫尺誰能掌  
上保幽燕 藏春詩集

周伯琦過居庸關二首崇關天險控幽燕萬疊青山  
百道泉絕壁雲霞龕佛像連屢雞黍聚八烟炎涼垣  
刻成殊候華夏於今共一天我欲登臨窮勝槩西風  
五月倍凄然關南關北四十里玉壘珠閣限兩京列  
隊龍旂明輦路重屯虎衛肅天兵桑麻旆旆村無警  
榆柳青青塞有程卻笑燕然空勒石萬方今日盡昇  
平 近光集

朱德潤居庸雪中詩山前 元構成臺山後神州斗  
極開雪意似 天設險高卑鋪作白磴磴 右復齋集









